

百
藝
袁氏
氏
藝
文
金
石
錄
附
錄

宋
舍
宋
元
本
書
日
賦
廬




成集書叢

編初


者編主
五雲王

行發館書印務商





百宋一塵賦



3 0648 9359 1

願廣圻撰
黃丕烈注



百宋一廛賦

本館據士禮居叢
書本排印初編各
叢書僅有此本

百宋一塵賦

予以嘉慶壬戌遷居縣橋構專室貯所有宋槧本書名之曰百宋一塵請居士撰此賦既成輒爲之下注多陳宋槧之源流遂略鴻文之詰訓博雅君子幸無譏焉

元和顧廣圻撰

吳縣

佞宋主人

佞宋出述古堂書目序予恒引爲竊比故居士設此名也

搜求經籍鳩集藝文深識妙覽博學瞻聞折肱



託

始南渡斷代排比百種標榜一塵

此說依徐仙民周禮音

傳之好事詔爲極觀乃有瞑行闌子

寓言

踵塵而詐諸曰蓋

吾聞善讀者之於書也并包自古貫穿及今琢璞任手握珠委心祛鏗舟於來編悟斲輪於往牒敏超閱肆識週亡篋縱有隋唐卷軸漢魏油素尙將規檢迴汰刊落抵牾是知惡札非苦俗本何病值攬獲佳遭鉛斯正且夫相變者勢遞運者時殺簡忽其告謝鏤版逾以方滋而乃峻立畦畛強分堂室豈貴遠而賤近抑噉名而吐實辱在下風惑此莫釋敢效其愚高明盍擇主人造然未有以云也時則思適居士存焉

居士姓顧名廣圻元和縣學生喜校書皆有依據絕無鑿空其持論謂凡天下書皆當以不校校之深有取於邢子才日思誤書更是一適語以之自號云

將盱衡而誥爰有睟其容曰异乎客真所

謂夏蟲難與語冰栝柏之鼠不知堂密有美樅也

郭注爾雅引尸子此文栝本作松

在昔校領者依中寫定者据故徐遵明

之所往讀。杜伯山之所愛護。用以發其深思。於焉遂其好古。自曩哲而固然。非僂指之勝數。夫宋也者。濬

摹印之重源。延轉錄之一脈。孳長興以萌芽。拓顯德而增益。貽後留真。晞先襲迹。及靈光之猶存。舍司南

其安適。此四約。實顯宋槧之體用也。夫書之言宋槧。猶導河言積石也。上言之。則東漢一字羣經。魏三字羣經。并典論銷勒於石。此一源也。下言之。則唐元和壁經。析堅木。負墻而比之。製如版。植此又一源也。自是至于後唐。長興九經刻版。周顯德經典釋文。雕

印。既省傳寫之勞。兼視豐碑為便。人事所趨。勢固宜爾。於是終始宋代。官私所造。遍於四部。玉海及馬氏經籍考等。詳其事焉。就中即有利病。究之上承轉錄。此其嫡脉。故曰貽於後而留其真。以歸於先而襲其迹也。及今遠者千年。近者猶數百年。所存乃當日千百之一二

耳。幸而得之。以校後本。其有未經改竄者。鮮矣。夫君子不空作。必有依據。宋槧者。亦讀書之依據也。故比之以司南。謂指南之車。韓子書為此稱矣。奈何謾訛正以同歸。味精濫之殊致。觸手斷鎖

庫之珍。瞥目乏驚人之秘。耳域陳食。心安陋肆。指趣已爽。涉獵皆盤。今將究深情。宣至理。勘利病。讐臧否。

申長見於主人。啓未聞於吾子。則有舉此明後皆陳一廬之所有。下文云亦有云其餘又有義皆同。姬公禮經。六籍冠冕。高密家法。傳注之選。

厄繇難讀。文褻句搯。不覩嚴州。絕學曷顯。忠甫所載。則符節必合。開成所勒。則矩矱未備。嚴州本儀禮鄭氏注十七卷。每半葉十四

行。每行大廿五字。小卅字不等。居士嘗跋其後云。張忠甫校儀禮。有監。巾箱。杭殿。凡四本。今所存議誤稱殿本者十許條。以此驗之。無一不合。其為殿本。決然矣。云云。享林願氏言。十三經中儀禮脫誤尤多。士昏禮。脫塔授綏云云一節十四字。賴有長安石經據補。而其注疏

逸亡。又言鄉射。脫士鹿中云云七字。士虞。脫哭止云云七字。特性。脫舉解者祭云云十一字。少牢。脫以授尸云云七字。以為此案火之未

亡。而亡於暨刻。今考殿本。則各條固儼然具存也。其餘補正注文者。尤不可枚舉。居士嘗采入所撰思適齋筆記後。經史子三部。古書亦

亡。而亡於暨刻。今考殿本。則各條固儼然具存也。其餘補正注文者。尤不可枚舉。居士嘗采入所撰思適齋筆記後。經史子三部。古書亦

多有所采也。

宏文學士悉情裁疏。陳李聞人紛紜失路。官本復出。景德旦暮。列卷五十。面目呈露。標經題注。乃完。乃具尋馬序於通考。豁長夜而重曙。

景德官本儀禮疏五十卷。每半葉十五行。每行廿七字。每卷題唐朝散大夫行太學博士宏文館學士臣賈公彥等撰。悉情裁疏者。公彥等序中語也。陳陳風梧。李李元

陽。聞人聞人詮。散疏入注。而注之分卷。遂為疏之分卷。又去疏所標經文起止。蓋出於陳風梧。明正德時事也。而聞人詮。李元陽因之。萬曆監本。汲古毛氏本。又轉轉因之。於是而馬氏經籍考所載儀禮疏五十卷。又載其先公序曰。得景德中官本儀禮疏四帙。正經注語皆標起止。而疏文列其下者。舉世無復識其面目者矣。先公貴與父名廷樞。今與其所得者正同。未後名銜盈幅。案之玉海。悉符故事。居士屢訪此書。在宋槧中為奇中之奇。寶中之寶。莫與比倫者也。唯第三十二至第三十七。凡缺六卷。僅從魏了翁要義中粗識其大略耳。

亦有周禮一官。春秋秦半。懽許劍之待懸。悵篋金之莫換。

殘大字本周禮鄭氏注秋官二卷。每半葉八行。每行大十六字。小廿一字。懽許贈居士從兄抱冲道人之遺。未及而道人

歿矣。殘相崑岳氏本春秋經傳杜氏集解。行字之數。與覆本同。所存一至六。又十五至十八。又二十三至二十六。又二十九。三十。凡十六卷。得三十卷之秦半也。同縣袁廷壽。壽皆甫。亦有殘本。而未能取之以相補。

月令第六。昭公廿年。

玩索有得。丹鉛所傳。耒耕上曲。死而賜證。隻字能排。百朋奚啻。

殘大字本禮記鄭氏注。每半葉十行。每行大十八字。小廿五字不等。所存五至八。又十一至十五。僅九卷。予跋

之云。月令注。耒耕之上曲也。他本耕皆誤為耜。賴此正之。可知其佳也。殘小字本春秋經傳杜氏集解。每半葉十四行。每行大廿三字。小廿三字。所存前後凡二十三卷。又殘中字本。每半葉八行。每行十七字。所存前後凡十八卷。若以兩本相補。唯少第十四卷耳。其昭公廿年。兩有。與閔百詩。何義門所說死而賜證皆合。但未知當日所見為何本。

穀梁附音之制。爾雅單義之式。先聲孕南。支流殿北。

監本附音春秋穀梁傳注疏二十卷。每半葉十行。每行大十八

字小廿三字。官本爾雅疏十卷。每半葉十五行。每行三十字。言此穀梁既并注疏。又附釋文。其制與明南監所貯十行版大段悉同。是孕其先聲。爾雅則邢義單行舊式猶在。雖疏家支流。實為北宋之殿也。居士前在阮中丞元十三經局立議。言北宋本必經注自經注。疏自疏。南宋初始有注疏。又其後始有附釋音注疏。晁公武、趙希弁、陳振孫、岳珂、王應麟、馬端臨諸君。以宋人言宋事。條理脉絡。榮然可尋。而日本山井鼎左傳考文所載。紹興辛亥三山黃唐跋禮記語。尤為確證。安得有北宋初刻禮記注疏。及淳化刻春秋左傳注疏事乎。今此賦所云。即平昔謗論也。

夔已誇著述。則三豕猶采。

小字本說文解字十五卷中。缺者影寫補足。每半葉十行。每行大十八字。大小廿五字不等。嘗別見國初葉林宗所藏。僅從此刻傳寫者耳。近青浦王司冠起家乃有之。極加寶貴。幾流一足之譽也。常熟

毛氏初刊。頗與相近。後經斧季辰節次校改。而大徐氏之舊觀。漸以盡失。金壇段茂堂先生玉裁。來寓吳中。遂有汲古閣說文訂之作。宋本之妙。固已洗剔一新。即遇其誤。亦必反覆推尋。不加遽斥。夫以海內通儒。談其專業。猶且伏膺鄭重。鉛槧疲勞者。如此。然則有何末學。置喙地哉。客曰。今之說文。皆許慎手迹乎。事見顏氏家訓。人不通古今。而好為議論。類如是耳。

山以把臂。咨靈威以賞音。

殘本說文繫傳。每半葉七行。每行大十四字。小廿二字。所存起通釋之第三十至末。凡十一卷。寒山趙爾光家舊物也。此書尤延之、呂太史、李巽巖。皆言其斷爛闕誤。時距小徐未為遠。故曰俄傾也。今歛人

有刊行之者。正文尙脫落數百字。又經不學之徒。以大徐本點竄殆遍。真有不刻之歎。予得此本。當即困學紀聞所云。今浙東所刊。得於石林葉氏蘇魏公本者也。非猶不食之碩果乎。殘本故云辨辨。古辭字。小學類。故云字林耳。予又有虞山錢楚殷家所鈔完本。鈕君樹玉曾借去校讀。擊節不置。使槧本而完。當復何如也。鈕君家洞庭山。

浩漸乙部。連躒三家。冒戒傷廉。所取太奢。

此言史、漢、國志三家。史部之最。而漢書特尚必取宋本焉。故云傷於廉也。

善清秘留將。是曰景祐。憂乎弗亡。余丞之上言。觀洙之參詳。僕嘗目驗。若毛若汪。削長決贅。補乙彌創。招小宋以研精。當悔下其雌黃。每之問而愈況。胡項背之敢望。

景祐二年本漢書一百卷。每半葉十行。每行大十九字。小廿七字。末列秘書丞余靖上言。又張觀王洙皆預參詳中。

也。每卷上下方皆有朱校字。最後復有墨書二行云。右宋景文公。以諸本參校。手所是正。並附古注之末。至正癸丑三月十二日。雲林倪瓚。在凝香閣謹閱。居士曾爲予細校汲古本。而予以汪文盛本佐證之。凡於二本所削所補。各千百字。推原其故。景文之是正。已屬有失。無得。烏論後此者。乃選經大書深刻。悉泐班書。可不謂至謬乎。唯此本未經淆亂。誠宜壓卷史部也。

良史實錄。藉用識蜀。乃本

古以愜心。復字大以悅目。

蜀大字本史記集解一百三十卷。每半葉九行。每行大十六字。小廿字。所缺舊鈔補足。又殘本僅有西南夷至汲鄭五列傳。考汲古閣秘本目。有蜀本大字史記。云有缺。未知與此何如也。

孤

行吳志數册仍六。舉承祚之一隅。反少期之全局。

單行本吳志二十卷。每半葉十四行。每行廿五字。冠裴松之上三國志。注表於首。其下即接吳書一云云。乃當日專刻。即汲古閣秘本目所載。

宋版吳志六本者也。舉一隅。反全局。首推異同之大。凡承祚少期。文體之互耳。

後漢翻雕。秘書指蹤。牒互孫宣。班范關通。建塾敬室。綴美罕同。兼收並蓄。

矩登規重。

殘本後漢書。每半葉十行。每行大二十字。小廿四字。僅存紀八志三列傳十五卷而已。乃北宋年間。翻雕景祐本也。故行款正同。又殘本二。皆缺損已甚。嘉定戊辰。蔡琪純父所刻也。前仍列秘書丞余靖上言。而行款改爲八行十六字矣。景祐

校班范二書。同時雕印。予所藏班書。前互入乾興元年。中書門下。樞密子監文一通。即孫奭以劉昭注。司馬彪志。補章懷注。范書故事也。曝書亭集謂此不自輿始。以今考之。則以彪補范。誠始於劉。而以昭補賢。實始於孫。朱說疏矣。又殘本二。一但缺志。一缺損已甚。而其中

有志第二十二。又第二十四至末。凡八卷。每半葉十行。每行十八字。目錄後題云。建安劉元起刊于家塾之敬室。乃南宋精雕也。此一書三刻。而殘本共五。

緬劉昫之撰唐時罔新而那舊。緣歐宋以

易稱。幾不察於相狃。驟開卷而知益。杖紹興之教授。

殘本劉昫等唐書每半葉十四行。每行廿五字。僅存志十一至廿四。一至廿五。廿八至卅。列傳十五至廿八。卅八至卅九。五十五至六十。

七十八至八十三。一百十五至一百十九。一百廿九至一百卅四。一百四十下至一百四十四上。凡六十七卷有零。每卷末有題名云。左奉議郎充相興府府學教授朱倬校正。又有校勘人題名四行。文繁不錄。予跋之曰。標題云唐書者。昫等撰時本然。蓋歐宋新唐書未盛行之先。無舊稱也。覆本在明嘉靖時。不特多誤。抑神氣索然矣。

莆田編年。始末九朝。流傳寓內。夥矣。胥鈔。皆目升而綱降。閱實混而名淆。快拜

嘉於一諾。飲良友之淳醪。遜廿五以居乙。引積薪而解嘲。

莆田陳均皇朝編年備要三十卷。每半葉八行。每行大十六字。小廿三字。編年下有空字二格。又殘本皇朝編年綱目備

要。每半葉八行。每行大十六字。小廿四字。列目止於廿五卷。後別為一行。云已後五卷。見成出傳。今於廿五卷中。又缺其五。所存者凡二十卷而已。二本版刻不同。皆宋精雕。今世通行傳鈔。改大小字而一之。又不復知其有綱目之名。失之甚矣。完本初為予友五硯主人袁壽皆甫所藏。後割愛見歸。遂甲予舊有也。

見可釋鑑。音訓是優。被抑身之。耽與闡幽。行明字繡。終卷無脩。晒舊史之枕秘。謂未白

乎豕頭。

史紹通鑑釋文三十卷。每半葉十二行。每行大小三十字。自元胡三省身之通鑑釋文辨誤盛行。而此書遂微。其實胡所長地。理若聲音訓故。乃不如史之有所受之也。予別見同郡蔣姓所藏。行開字裏。皆未若此本之明繡。昔膠城舊史氏某公。偶得一

新鈔本。特詔為枕中秘。曾請借觀。堅不相許。後既得此。因於予所。得畫圖跋語中。稍新之。而居士取以入賦也。見可。紹字。

中興館閣錄續系聯。永樂大典證明匪全。奪胎肖貌。簡

或閒編潛采自鄧洵無譏焉。

陳騷中興館閣錄十卷續錄十卷每半葉九行每行大小十八九字不等書錄解題云續錄者後人因舊文增附之也錄缺沿革一門續錄缺屢祿一門永樂大典已如此矣居士從兄抱冲道人

所藏乃毛氏影鈔精本惟貌惟肖者也然宋本誤裝續錄卷第七提舉編脩國朝會要一葉及提舉秘書省提綱史事二葉上入錄之七卷中而影鈔者竟改填板心字爲中興館閣錄云云以實之非見此本無由覆正也外此所見鈔本更非毛比矣故曰竹垞潛采堂以下

等諸自節焉

東家雜記去聖雖遠杏壇三成堯顙親展愈求野於禮失慨并官之久外會叔節之書丹諗聊邑

以數典

孔傳東家雜記二卷每半葉十行每行十八字首列杏壇圖說詳讀書敏求記壇三重也邈王家所鈔今在抱冲道人小讀書堆而余所得未知即葉九來宋槧否中載聖妃氏曰并官錢少詹大所有言以韓勅碑考之字本是并而今作开即聖裔

有不知其誤者此尙未諳故居士以爲豈非劉子駿所謂不猶愈於野者也

子政列女深父發矇頌後有贊遂等俄空割賚研之和璧競南城之楚弓

惜畫像之終佚進補亡於屏風

建安余氏動有堂本古列女傳七卷續一卷每傳有圖傳在圖之左右及下方行字之數不畫一此書是王回深父據頌所定於是而顏黃門以爲後人所屬者始別在統內矣予初見此書

從抱冲道人許有國初人跋云余藏列女傳古本有二一得於吳門老儒錢功甫一則亂後入燕得於南城廢殿中此則廢殿本也近又簡吳中舊刻頌後有贊乃黃魯曾以己作竄入與古文錯迕讀者習而不察久矣秦漢古書多爲今世妄庸人駁亂其禍有甚於焚燎云云後予遂從他所得此即所謂錢功甫本也又別見蔣篁亭臬校本皆兩及之云何義門處見之謂資研賚寶如雙璧也居士爲道人校隳重刊行世文悉仍舊即考證亦別爲卷獨定其畫像題願觀之者爲余氏補繪而削去予俟宋尙時時惜之故居士以爲豈欲進補屏風之亡乎仍意不之許也查之屏風向頌義大序之一句歷代紀年十得其九自序紹興今也烏有順理懸解陳錄乃割也是踈略難復辭

谷。殘本昆公適歷代紀年卷二至十所缺第一卷也。每半葉十行。每行十九字。書錄解題云。其自爲序。當紹興七年。今未見。以此序在首而亦缺也。此即述古堂舊物。而敏求記但言紹興壬子。樂清包履常爲之。錢木以傳。不及自序之有無。并所缺卷。是疎略也。士

風清嘉。維桑與梓。樂圃先生。石湖居士。圖經續前。郡志肇始。必文足以能徵。寧疵刊之徒特。幸宋子之導

先。喜葉公之見。埃汰懸磬之秣。洗汲古之泥滓。

紹興甲寅本朱長文吳郡圖經續記三卷。每半葉九行。每行十八字。中間缺葉。錢馨室手鈔補足。首有楷字長方印。其文曰。葉文莊公家

世藏。紹定本范成大吳郡志五十卷。每半葉九行。每行大小十八字。述古堂舊物也。圖經續記。馨室曾刊行。志則汲古閣刻之。予最先得。太倉宋寶王蔚如所校志。知毛据殘宋本開雕。故如牧守題名。脫落特多。餘亦每與此不合。乃懸馨室中親藏宋槧圖經。何訛舛亦復不少耶。明代刻本。其不足徒恃。有如此者。

臨安百卷。分豆剖瓜。海鹽嘗熟。蒼萃竹垞。墜簡十七。或亡或除。不遺神膠。詎容足蛇。

殘本

潛說友咸淳臨安志。所存八十三卷。每半葉十行。每行大小廿字。又鈔補者十卷。曝書亭集跋此書曰。予從海鹽胡氏。嘗然毛氏。先後得宋槧本八十卷。又借鈔一十三卷。其七卷終闕焉。今予所得較多。宋刻三卷矣。然其餘十七卷。或竟未見。或雖鈔補而終非宋刻。唯聞長塘鮑君廷博所藏本。內有宋刻六十五、六十六、二卷。爲嚴州故郡。一名新定。錢君可則。成志氏。姓入山得寶。斯癡宜詒。出竹垞所見外。不識天壤間。其尙有他本可補足否也。

欲然有懷。食臠之性。

錢可則新定續志十卷。每半葉八行。每行大小十八字。編纂者爲方仁榮。鄉語。其曰續志者。續董弁新定志也。志即嚴州圖經。錢少詹大昕論此曰。宋人州志。多用郡名標題。其說是矣。初書買某甲。業於杭之城隍山。

收雜志書數百種。以輟寄示。續志在焉。予遂探得之。每以波斯譏寶自銜。然圖經殘本首三卷。近在某乙許。因居奇差池。亦用爲歎。每展此書。輒復縈抱。居士其知予心哉。

姚校短長。抽其端緒。懸諸國門。不朽

盛舉。永續命於剡川。厚釋誣於雅雨。方綴學之共仰。良無煩乎覲縷。剡川姚氏本戰國策三十三卷。每半葉十一行。每行二十字。其注之所校。又雙行分系於注下。

所謂注中有注者也。癸亥年。予影摹重刊。又以至正乙巳吳師道本互勘。為之札記。詳列異同。凡三卷。於是而慮雅。兩本竄入鮑彪所改及加字并抹除者各條。始不復相牽濶矣。此書與予庚申年刊明道本影鈔國語皆頗行於世。

蘭陵老師。舊

監經營。唐榘台庫。墮其先鳴。擴紀聞之同異。訂軒輊而為平。懲餘姚之匍匐。循故步乎熙寧。

熙寧本荀子二十卷。每半葉八

行。每行大十六字。小廿四字。困學紀聞云。勸學篇青田之藍。作青取之於藍。聖心循焉。作備焉。玉在山而木潤。作草木潤。君子如嚮矣。作知嚮。賦篇請占之五泰。作五帝。監本未必是。建本未必非。餘不勝紀。又云。今監本乃唐與政台州所刊。熙寧舊本亦未為善。當俟詳考。此本之末。有呂夏卿重校。王子韶同校題名。即熙寧舊本也。建本與元纂圖互注者頗近。明世德堂本又從之出。餘姚虞學士文弼合校諸本。撰定開雕。曾見從此影鈔者而引之。居士細加覆審。其所沿革。往往可議。故步一失。無所持循。凡合校之弊。必至於此矣。
新

序經進。年月具官。庚寅焚如。歷劫偏完。裨益是正。奚止一端。髣兮侈當。於茲寒酸。

新序十卷。每半葉十一行。每行廿字。每卷首題陽朔元年

二月癸卯讀左都水使者光祿大夫臣劉向上。第一卷後。有國初人跋云。舊本新序說苑。卷首開列陽朔鴻嘉△年△月具官臣劉向上。一行。此古人俗書經進之體式。今本先將此行削去云云。本紅豆舊物也。後入延令書目。可知未遭庚寅之炬。予嘗校之一過。每與居士商榷。如戰國策札記所載。桃仁字之屬。取資宏多矣。陽山顯大有所藏。亦宋槧。後歸蔣辛齋氏。賜書樓之書散出。予嘗見之。其刻差後。遂多錯誤。然則此真北宋槧也。昔何義門手校。據彼而未知有此。故言何所見他宋槧極多。而於茲有所不逮矣。何用一小方章。其文曰。韓授老則漢時結草。注莊則晉代懸河。易州深刻而齊軌貴少。吳縣大書而合轍美多。
建安虞氏本道德經二卷。每半葉十行。每行大小廿

字不等。河上公章句也。予跋之曰。如春登臺。尙未誤倒。與唐開元易州石刻合。因知其佳也。南宋本南華真經十卷。每半葉十行。每行十八字。郭象注也。以經典釋文標舉之。大字證之。合者居多矣。吳縣謂陸元朗。

沖虛錯互。舉世相仍。

處度敬順。糾纏淄澠。劃然分判。使我伏膺。吳都注後。藐藐鈔朋。

沖虛至德真經列子張湛處度注八卷。每半葉十二行。每行二十五字。今世所行明世德堂本注。與唐當

塗縣丞殷敬順釋文合。并不復可以譏別。盧學士羣書拾補。以意分之。不若此本未附釋文。尤爲確然而無誤也。卷第五。五山始時而不動一句。俗本皆脫而不動三字。居士舉劉淵林吳都賦注有之以相證。謂列子善本無險此。今考玉海載祥符四年官校列子事。殆其時之本歟。居士嘗爲余言。殷敬順釋文。乃宋道士碧虛子陳景元依託。今賦文仍云敬順者。不遽改舊稱也。

高解鴻烈。蓋云善哉。向貴蘆泉。頓成陪臺。憤道藏之。贖鼎。每張

目而一欵。將高郵以助予。臨欲借而遲回。

小字本淮南鴻烈解二十一卷。每半葉十二行。每行大廿二字。小廿五字。棟亭曹氏舊物也。相傳惠松厓絕稱明蘆泉劉績補注本。惠嘗見宋本者也。其實劉出於

正統十年道藏。不如宋槧遠甚。近有妄庸人。取道藏以己意塗竄增刪。又多造童牛角馬之字。移易舊文。刻版印行。不知者遂目道藏爲真。如此其貽誤何可勝言耶。高郵王庶子引之。方事重校。曾在札相訊。居士與王不相知。而頗諷予借與之也。

黃門家

訓篇廿卷七。欣遇考證。檢度繕密。縮述古而稍布。窘邊幅之小失。恢逸聞於書院。喟共山其無匹。

淳熙台州公庫

本顏氏家訓七卷。每半葉十二行。每行十八字。後附嘉興沈揆考證一卷。凡三冊。每冊首尾有省齋一印。共山書院一印。省齋未詳。共山書院有藏書目錄。柳待制爲之序。稱汲郡張公。不詳其名。延祐三年。參議中書省。錢少詹大昕補元史藝文志載之者也。又每冊首尾紙背有一長方鈐記云。國子監崇文閣官書。借讀者必須愛護。損壞闕失。典掌者不許收受。皆逸聞也。末有何義門跋云。此書爲沈虞卿所刊。虞卿。紹熙中。嘗以中大夫秘閣修撰知吾郡。見范志牧守題名。又云。虞卿自號欣遇。見楊廷秀朝天集。近長塘鮑氏。已用述古堂影鈔。

本刊入知不足齋叢書第十一集。然就其叢書爲大小邊幅失之窮矣。

倦翁愧郊亦叢長塘。導源夢羽功歸濫觴。岳珂愧郊錄十五卷每半葉九行每行十七字八至十一凡四卷皆鈔補餘尚有空白未

補者十葉。卽鮑氏叢書底本也。有揚氏夢羽一印。

光遠鑑戒。彘爲不腆。流丹青而質實。瞻雲煙之過眼。

小字重雕足本何光遠鑑錄十卷每半葉十五行每行廿四字出項氏天籟

閣經阮亭竹垞諸老手題。初居士從徐七來家廉值得之。旋爲其友程子世銓奪去。鮑綠飲時尙未與居士相識。從程借鈔。近亦刻入叢書。其跋絕不及居士。且有程以厚價購得語。當由不悉原委也。今其事已閱二十許年。程薄宦江右。而書轉展歸予。曾屬居士補作一跋。跋之尾句曰。不能無雲煙過眼之感也。

文瑩湘山元鈔未并揮塵結銜。朝請明清認諱圖畫。添序茅亭津逮率爾革祕之名。

釋文 瑩重

雕改正湘山野錄三卷。續一卷。每半葉九行。每行廿字。宋刻上卷三葉起。至中卷二十三葉止。凡四十七葉。餘五十三葉。元人補鈔。有跋云。至正十九年六月十九日覽訖。殘本揮塵後錄。所存僅第一第二兩卷。三錄三卷全。每半葉十一行。每行廿字。卷首題朝請大夫主管台州崇道觀汝陰王明清一行。臨安府陳道人書籍舖刊行本。郭若虛圖畫見聞志六卷。每半葉十一行。每行廿字。遇宋諱皆闕筆。翻本不如是矣。黃休復茅亭客話十卷。每半葉九行。每行十八字。未有石京後序一篇。以上四種皆經汲古毛氏刊入津逮中。然湘山野錄等季重用前本手勘者。今亦在予家。錯誤無慮數千百處也。

其餘大率類是。故居士以爲秘書之名。卽革之。斯可矣。醫藥方論。載網載羅。乾道傷寒。淳熙產科。專門疇覺。遍計其

他。李樞傷寒要旨二卷。每半葉九行。每行十六字。末葉有二行云。右傷寒要旨一卷。藥方一卷。乾道辛卯歲刻于姑孰郡齋。此書載書錄解題。陳氏曰。皆不外仲景也。朱端章衛生家寶產科備要八卷。每半葉九行。每行十五字。末卷有三行云。長樂朱端章以所藏諸家產科經驗方編成八卷。刻板南康郡齋。淳熙甲辰歲十二月初十日。錢遊王言其首列借地禁草禁水三法。今罕有行之者。亦罕有知之者矣。

活人問答之叢殘。事親圖說之戡贊。得十便於

大衍貴千金於備急，窺秘要於鄴臺，僉有潘之可拾。

殘本重校正活人書，每半葉十行，每行十九字，所存十至十二，凡三卷，書錄解題云：南陽活人書十八卷，朝奉郎直秘閣吳與朱眩

翼中撰，以張仲景傷寒方論各依類聚為之問答也。晁氏讀書志云：二十卷，今未知孰是。殘本張從正儒門事親所存二十一葉，自撮要至扁華訣，凡七目，有毛子晉印章，汲古閣秘本日，宋板醫家圖說一本，即此也。殘本十便良方，每半葉十三行，每行廿二字，所存十一至十七，又廿一至廿三，凡十卷，其目尚存，蓋本四十卷，勵得四之一耳。其序乃鈔補，稱附益紹熙孫稽仲所集六衍方，果得其便，凡十焉。未嘗慶元乙卯十月二十四日，汾陽博濟堂書，作者姓名未詳，孫名紹遠。大衍方載書錄解題，殘本新雕孫真人千金方，每半葉十四行，每行廿四字不等，所存一至五，又十一至十五，又二十一至末，凡二十卷，以錢述古鈔本千金備急要方校之，尚鮮有一處符合者，可稱奇秘矣。人命至重，有貴千金，思逸自序語也。殘本外臺秘要方，每半葉十三行，每行廿四字，所存但目錄及第廿二卷耳。近聞居士為陽城張古餘先生敦仁，以廉值獲泰牛部，心馳神往於一見矣。以上五書皆缺損已甚，故等之於拾潘，拾潘字，本出左氏傳，而此所用，意有小異也。龍經史與百氏，羌更僕而未殫，苟泛言以及集，又

文海而詩山。

此二韻為下文其餘又有張本也。

爾其陶誠皇世，籤題元筆，規往之外，几塵屢拂。

陶淵明集十卷，每半葉十行，每行十六字，汲古閣秘本日云：與世本迥然

不同，如桃花源記中間之欣然規往，今時本誤作親，謬甚。他如此類甚多，籤題係元人筆，不敢易去云云。即此本也。最後附曾紘說一首云：親友范元義，寄示義陽太守公所開陶集，末署宣和六年，是北宋槩矣。宋宣獻言校書如拂几上塵，旋拂旋生，即此說中語也。

翰林歌詩，古香溢紙，孺染亂真，對此色死。

元豐三年臨川晏氏本李太白文集三十卷，行字之數與康熙中繆氏覆本同，繆嘗用以亂真，然特不可以對此耳。

九家杜注，寶慶

漕鼓，自有連城，蝕甚勿嫌。

殘本新刊校定集注杜詩，每半葉九行，每行十六字，所存五十五葉，即寶慶乙酉曾璽子肅重摹淳熙成秘本，刊于南海之漕臺者也。敏求記稱其開板宏爽，刻鏤精工，洵然惜缺損已甚耳。自有連城

者斷章於
遺山詩。
王沿表進移氣麻沙秀句半雨夙假齒牙。
王右丞文集十卷每半葉十一行每行二十字不等傳是樓舊物也王
縉搜求其兄詩筆隨表奉進此刻是麻沙宋板送梓州李使君詩亦作

山中一半雨樹杪萬重
孟出史院懂脫覆瓿抉剔其妙辰翁卻走。
孟浩然詩集三卷每半葉十二行每行廿一字有翰林
國史院官書楷字鈐記嘉定祖中溶鏡濤甫見之曰此

元時印也存於今者僅矣。僅僅同字予以校元刻須溪先生批點孟
集乃知辰翁強分門類遂致全篇或脫或衍字句間更不足言矣。
昌黎數四百柄之裔別加點勘須茲起例。
殘大字本
昌黎先生

文集每半葉十行每行十八字所存卷二十二至卷二十六而已傳是樓舊物也。又殘小字本昌黎先生集每半葉十一行每行廿字所
存卷一至十字畫方勁而未有注當是北宋槧又殘本同前刻所存第三十九第四十兩卷又殘本朱文公校昌黎先生集每半葉十二
行每行廿一字所存卷十一至末予欲以四殘本相補完故曰可作述古堂主人百柄史記之流裔也。別加點勘者郡前輩陳少章氏先
已著有韓集點勘也。又張古餘先生向得殘本今年春曾許與南宋殘本九章及張邦建孫子籀經一併脫手見贈介居士及袁壽皆甫
易校予新得殘本太平御覽助孫淵如先生星衍付
刻於山東後經某人惹之不果某人者予舊學徒也。
廬山長慶見取六丁金華太史獨著精靈。
殘本白氏文集每半葉十
一行每行廿一字所存十

三至十六又二十六至三十四又五十五至五十八凡十七卷長慶集北宋時鑄諸版所謂廬山本者庚寅一炬種
子斷絕唯此金華宋氏景濂所藏小宋版圖記宛然古香可愛推希世珍矣事詳敏求記其所數存卷有誤今正之。
賓客碑文受教

名儒以石攻錯乍彰其瑜。
殘本劉夢得文集每半葉十二行每行廿一字所存一至四而已疑者錢少詹大昕借讀明刻完本
劉集於予手校袁州萍鄉縣楊岐山故廣禪師碑文跋於別紙云石刻與刻本不同者二十餘字多

五十餘字今宋本雖未能盡爾。
五言長城未墮文房雜著附見知勝建昌。
殘本劉文房文集每半葉十二行每行廿一字
所存五至十凡六卷書錄解題云劉隨州集唐

隨州刺史宣城劉長卿文房撰詩九卷末一卷雜著數篇而已建昌本十卷別一卷為雜著予別藏臨何義門校即據建昌本以相覆勘知此為勝也

次道序後貞曜增重彼哉玩物廁諸骨董小

本孟東野詩集十卷每半葉十一行每行十六字北宋槧也有集賢校理常山宋敏求後序及本傳貞曜先生墓誌各一首曾藏於延令季氏亦入傳是樓蓋疊為真賞家所重矣又有安麓村一印安寶骨董者

敬輿中書文饒一品事

涉經濟不厭其審

殘小字本陸宣公奏草五六兩卷又中書奏議五六兩卷每半葉十二行每行廿二字汲古閣舊物也殘本會昌一品制集每半葉十三行每行廿二字所存一至十凡十卷此二種予悉皆用以手勘他本語人云不敢因

其缺損已甚而忽之豈特俟宋亦以重二公也今為賦所取

胡曾詠史廣陵贖餘米評陳注興歎駭如

注胡曾詠史詩三卷每半葉十一行每行大廿二小廿七字延令季氏舊物也首題前進士胡

替著述并序邵陽叟陳蓋注詩京兆郡米崇吉評注并續序世罕知之者矣此書江君藩自揚州以之歸余也詩凡一百五十首起烏江終榮陽

雖小可觀睦親之坊唐求味江山人幼微咸宜

女郎昭諫甲乙用晦丁卯泊朱慶餘一一妍好

唐山人詩一卷女郎魚元機詩一卷甲乙集十卷許丁卯集二卷朱慶餘集一卷每半葉十行每行十八字皆臨安府糊北大街睦親坊南陳宅書

籍舖印行所謂書棚本是也

若乃觀溫國於徐盧箴傳家之膏旨

溫國文正司馬公文集八十卷每半葉十二行每行廿字首為劉嶠序次為進司馬溫公文集表第一葉間有朱書一行云洪武丁巳秋八

月收鈐以小方章一文云徐達左印又大方章一文云松雲道人徐良夫藏書卷第八十後副葉有墨書三行云國初吳儒徐松雲先生收藏溫公集八十卷缺九卷雅謹鈔補以為完書云宏治乙丑秋九月望日石湖盧雍謹記予得之以嘉慶丁巳暇日偶校舊鈔傳家集觸處見誤近刻復何足道耶書之可稱祖本者唯此種是矣

脈石林之奏議鬱剝落而生芒

葉夢得石林奏議十五卷每半葉十行每行廿字每卷次行題模編二字後有跋末署開禧丙寅六月既望姪孫朝奉大

夫改差極知台州軍州兼管內勸農事情案箋謹書。此書陳直齋著於錄。近汲古閣秘本目錄影宋精鈔。此較勝之矣。居士頗情其紙板有剝落處也。

神子遙之渭南。叶告夢之殊祥。

渭南文集五十卷。每半葉十行。

每行十七字。前有序一首。署嘉定十有三年十一月壬寅。幼子承事郎知建康府溧陽縣主管勸農公事子通謹書。此是家刻。故游字皆去末筆。白堤錢聽默書。買之多聞者也。語予曰。相傳庚寅一炬之先。放翁示夢於汲古主人曰。有渭南文集一部。在某所。可往借之。遂免於厄。噫。文人結習。有如是哉。通體完好。中有闕葉。錢叔寶手鈔補足。撫劍南以作貳。俾棍連之就匡。殘本新刊劍南詩稿。每半葉十行。每行廿字。所存一至四。又八至十。又十五至十七。凡十卷。前有淳熙十有四年臘月朔。

望門人迪功郎監嚴州在城都稅務鄭師尹序一首。書錄解題云。劍南詩彙二十卷。止淳熙丁未續葺六十七卷。自戊申以其終。當嘉定庚午。其幼子遙續刻之。今經汲古毛氏一槩合刻。面目無復存焉者矣。此雖殘帙。猶可考其初不棍連也。躋友林

之逸品。儷聲價於吉光。

史彌寧友林乙稿一卷。每半葉八行。每行十六字。予又有覆本。行字相同。滑擊堂題跋中。在都門所見。即覆本耳。真本流麗娟秀。兼饒古雅之趣。在宋槧中。別有風神。未容後來摹倣也。予跋之。目為逸品。又考趙

希弁讀書附志云。友林詩藪二卷。有黃景說曾。序序。今詩既一卷。又無此序。佚其甲稿無疑矣。

裂梁溪之卅八。孰斯文之可喪。

殘本梁溪文集。每半葉九行。每行廿字。凡三十八卷。末有乾隆六年二十六世孫枚跋。稱

雍正己酉。下榻衍聖公之九如堂。詢知梁溪文集為舊族高陽相公持去。高陽諱麟。越十餘年。過上谷所屬之地。高陽府第。半屬荒基。而是集猶在。因以歷歲所餘館穀與之。而是集始得返趙云。觀此。可知其珍重也。然實經割移卷第。而跋未之知。今予就版心字跡釐正。為古律詩九。十兩卷。為第十三。十四。表劉奏議三至十四。為卷第四十一至五十二。又廿四至卅二。為第六十二至七十。又五十三至六十。為第九十一至九十八。又六十二。為第一百。迂論四。為第一百四十八。又九十兩卷。為第一百五十三。一百五十四。題跋上中下。為第一百六十一至一百六十三。書錄解題云。百二十卷。證擊壤於泰輿。殘本伊川擊壤集。每半葉十行。每行廿一字。所存三至六。凡四趙希弁讀書附志云。百七十卷。此即百七十卷之本。卷而已。泰輿季氏舊物也。延令目云。宋鄧康節擊壤集二十五

卷卽此。彼時蓋尙完。然考是陳及馬氏著錄。五乃衍字。

讀乖崖於崇陽

殘本乖崖先生文集。每半葉十行。每行廿字。所存一卷至六卷。以下至卷十二。皆賜書樓舊鈔本也。讀書志十卷。陳直齋云。近時郭森卿宰崇陽。刻此集。得本十卷。增廣并歸

錄爲十二卷。今此本前有咸淳乙巳中春朔。邑子朝散大夫特差荆湖安杭大吏司主管機宜文字。權澧州軍州事。賜耕與夢龍序云。前令君天台郭公森卿。背棄箕郡。齊己未兵燹。遂爲煨燼。今令史左綿伊公。廣目儒術師吏。復錄梓以壽其傳。是郭本之重刻於崇陽者也。

奇兩探於真魏

西山先生真文忠公文集。五十五卷。每半葉十行。每行十八字。其卷八至十一。又二十五至二十八。又五十二至五十五。皆鈔補。而第五十一全卷盡缺。考書錄解題。經籍考。皆五十六卷。延令目乃云五十一卷。今宋槧前後凡存四

十二卷。而止於卷之第五十鈔補。未知所出。無以訂此也。鶴山先生大全集。一百十卷。每半葉十一行。每行廿字。首有淳熙己酉宛陵吳淵序。第一卷首缺損一葉。又四行。其第五行。始爲寄題雅州胥園云云。而明印州刻本。竟以此題爲首。誤甚矣。惜缺十八。十九。卅五。卅

八。四十三。至四十六。五十。至五十三。七十五。至七十七。一百八。凡十八卷。西山與鶴山並稱。洵南宋之兩大儒也。予皆得其集之善本。亦足以豪矣。

異三擲乎豫章

殘本豫章黃先生文集。每半葉九行。每行十八字。所存一至十四。又十七至十九。凡

十七卷。其第一卷末。有山房李彤洛陽朱敦儒正是一行。殘本豫章黃先生外集。每半葉九行。每行十八字。所存一至六而已。第六卷末葉。爲書買所去。別以第十四卷末葉足之。因此葉後。亦有山房李彤云云一行。自詭於全缺也。延令書目載後集六卷。殆緣是歟。然其所

載山谷集三十卷。則未缺。今不知在何所。殘本任淵山谷黃先生大全詩注。每半葉十一行。每行大廿字。小廿四字。所存卷一至十八。其後皆缺。每卷中復多缺葉。末葉有粘籤一條云。一本永樂二年七月二十五日。蘇叔敏買到。抱冲道人得南城廢殿本。古列女傳有此。卽

載於敏求記者。其外未聞更見於他書也。予嘗揭就小讀書堆。驗之。字跡正出一手。

文考信於南卿

殘本王阮義豐文集。每半葉十行。每行十八字。所存五十八葉。前有淳祐戊申大梁趙希聖敘。後有淳祐癸卯吳愈敘。通體均遭割補。文僅末半葉

與前半葉和淵明詞云云。初不連屬。缺損已甚矣。元書藏卷。無從考見。惟程史以爲阮所作詩號義豐集。刻江洋。校官馮椅爲之序者。有詩無文。決非此本也。南卿阮字

詞傳疑於立方

殘本侍郎葛公歸愚集。每半葉十二行。每行廿二字。所存五

十三凡九卷。漁洋山人居易錄云。宋葛立方常之歸愚集十卷。詩四卷。樂府一卷。騷賦雜文一卷。外制二卷。表啓二卷。今宋槧無樂府。而予藏汲古毛氏精鈔宋人詞百種。中有之。卽刻入六十家者也。或是傳鈔者取以附益耳。書錄解題二十卷。此槧當與之同。但不藏樂府。在缺卷。歸欒城而小字。殘本欒城集。每半葉十一行。每行十八字。所存前集共八卷。後集所存九至廿一。凡十三卷。明刻於文中。年月官銜任意刪削。殊不耐觀。予別從抱冲道人處見一殘冊。其字較大。亦宋槧也。披益公

而疏行。殘本周益公集。每半葉十行。每行十六字。所存者爲省齋文稿。一至八。又廿八至卅六。平岡續藁。一至十五。又廿七至卅。又卅六至四十。玉堂類藁。六至八。又十一至十三。歷官表奏。一至五。又十五至二十二。承明錄。一至六。書稿。九至十一。附錄五卷。凡六十

九卷。疏行大字。軒爽悅目。予又嘗別見歐。參寥歸攝六之物。參寥子詩集十二卷。每半葉十一行。每行廿四字。驗其收藏最先。爲集於某所。款式悉同。此殆倣彼而爲之也。蓮鬚閣舊物。有黃子羽讀書記小印也。子羽名翼。攝六是其號。此印

前湘山野錄亦有之。凡各書圖記。唯涉賦文。乃加詳述。餘或有偶及者。然多不盡也。如此書。并有季滄葦徐健庵名氏章。致道返淮東之藏。北山小集四十卷。程俱致道撰。每半葉十行。每行廿字。用故紙刷印。錢少詹有跋云。驗其紙背皆乾

道六年官司簿帳。其印記文可辨者。曰湖州司理院新朱記。曰湖州戶部贖軍酒庫記。曰湖州監在城酒務朱記。曰湖州司獄朱記。曰烏程縣印。曰歸安縣印。曰監湖州都商稅務朱記。意此集板刻於吳興官廨也。紙墨古雅。洵是淳熙以前物云云。卷尾有黃氏淮東書院圖籍印。未詳其爲何人。上句曰歸。伊駢列以十數。悉求是之康莊。昔宋槧而得宋槧。考信最確。不假他塗也。至於宣城之三謝。唐庚集三謝詩。一卷。每半葉十

二行。每行廿二字。卷中有嘉泰甲子郡守譚令憲重脩云云。所謂京兆之五寶。寶氏聯珠集。每半葉九行。每行十七字。淳熙五年刊本也。昔見何義門校汲古閣刻。其跋云。康熙辛卯春

日。購得葉九來所藏宋本。乃顧大有舊物。因改正五十餘字。中行杏山館聽子規一篇。諸本皆脫去。尤可笑者。和規。使君之才調。才

集十卷每半葉十行每行十八字卷二至卷五為宋槧餘鈔補第一卷有季振宜跋書一印合諸廷令目云才調集十卷四本宋本鈔補知其即此

載元人鈔本十卷云寶祐第六春瀟澤李翼和父編蓋完帙也唯汲古閣秘本目影宋板精鈔不著其完與殘未知出何本耳

荆公之百家 殘本唐百家詩選每半葉十行每行十八字所存一至十一凡十一卷首有楊蟠序商邱新刻所無餘亦相去

用誠哉是言也明嘉靖時有覆宋本者規模未改勝趙刻遠甚然終不若此之可寶

唐粹則一朝 文粹一百卷每半葉十五行每行廿六字不等末題云臨安府今重行開雕唐文粹壹部計貳拾策已委官校正訖紹興九年正月△日其名衡文

繁不錄嘗見何義門小山兄弟皆用此以校明刻本朱字爛然至於盈紙乎

宋選則衆手 小字本聖宋文選三十二卷每半葉十六行每行廿八字無序目并撰錄人姓名凡

選十四家歐陽永叔二卷司馬君實三卷范希文一卷王禹偁一卷孫明復二卷王介甫二卷余元度一卷曾子固二卷石守道三卷李邦直五卷唐子西一卷張文潛七卷黃魯直一卷陳瑩中一卷此書徐立齋舊物也近從武進趙司馬懷玉所歸於予又嘗別得殘本同

此一刻缺卷七至十一王禹偁孫明復王介甫三家他日當影鈔補足之 遇其全可以樂遭其缺可以守冶金鐵而必精流纖洪而均受 言總集類八種全缺參中其書亦非一致特因 其餘又有朱楊之易徐解拾遺 朱子易學啓蒙上下卷每半葉七行每行十五字卷首自序一過末署雲畫真宋槧並收也 逸手記亦逸聞矣張先生校正楊寶學易傳二十卷每半葉十行每行廿一字 張先生者誠齋門人張敬之顯父也前有淳熙戊申誠齋自序及奏劄此二種宋人說經之未入徐氏通志堂經解者故曰拾遺也 紅豆累跋河汾表微 文中子十卷每半葉□行每行□□字紅豆舊物也卷端有其二跋其一云此

爲宋刻善本。今世行本出安陽崔氏者，經其刊定，駁亂失次，不復可觀。今人好以己意改竄古書，雖賢者不免可嘆也。其一云云，乃論王通也。茲不具錄。
統和手鏡，方遼庶幾。龍龜手鑑四卷，每半葉十行，每行大小卅字不等。上聲一冊，汲

古毛氏精鈔補足，相傳此書遂刻。元名手鏡，宋刻改爲鑑。今驗此標題，是宋而非遼矣。敏求記所載，與此正同。乃遼王仍以契丹鑄板說之，豈因首列統和十五年丁酉七月初一癸亥燕臺憫忠寺沙門智光字法炬序，遂以爲據耶？序云：猶手持於鑿鏡，鏡字但缺一筆而不

改，則又何也。
四六餘話，非槧猶稀。雲莊四六餘話，不分卷，每半葉十一行，每行十九字。首題楊因道深仲，末題韓亭黎夢庚。一冊垂

丞相之型。漢丞相諸葛忠武侯傳一卷，每半葉十行，每行十七字。凡卅三葉爲一冊。文三橋舊藏也。此傳宋侍講張枋所爲，其詳在書錄解題傳記類。
廿葉感左徒之躅。錢杲之陸驢集傳一卷，每半葉九行，每行十八字。凡

廿一葉。云廿葉舉大數，鮑氏刊入叢書，即從此出。汲古閣舊物也。予得之桐鄉金主事德與家，卷首有畫蘭一幅，香草以配忠貞，其斯之謂歟。
蔡撮鑑而甫知文字。袁氏通鑑紀事本末撮最八卷，每半葉十四行，每行廿三字。首列兩行，一

云：建安袁樞機仲編。一云：建安蔡文子行之撮。
劉苑詩而纔聞伯玉。詩苑衆芳，每半葉九行，每行十五字。無序目卷數。凡詩廿四家，首長樂潘氏終古注，吳氏署云：吳郡梅溪劉瑄伯玉敬編。

亦各家書目所未載也。
愚齋增注之三賦。大字本王十朋會稽三賦注，不分卷，每半葉九行，每行大十八字，小卅二字不等。注中有注，三賦者會稽風俗，民事堂蓬萊閣也。前有嘉定丁丑愚齋史鑄序云：風俗一賦，雖有剡溪周君爲之注。

惟以表出山川事物爲意，而公之文章，以經史百家之言，盤屈于筆下者，殊未究其根。
梅山校正之尺牘。李學士新法孫尙書內簡尺牘十六卷，每半葉

十二行，每行大廿字，小廿五字。無序文及刊刻年月。目後有蔡氏家塾校正六字。予向有趙靈均用元天歷庚午本所校之明刻，其首有鈔補序一通，云：慶元三祀閏餘之月，梅山蔡建侯行父謹序，以之相證，即此本之序，而今失去耳。元本蓋從之出也。
文訣變

其從同。

殘本迂齋先生標注崇古文訣。每半葉十二行。每行廿三字。所存首至卷八。又卷十五至末。又鈔補四卷。元二十卷之中。仍少二十四兩卷。有一印文曰。吳郡西嶼朱未榮書畫印。又有未榮西嶼各一印。吾郡明初之藏書者也。頗不經見。文訣藉此增

重矣。予嘗欲搜訪藏書家。起元明之交。終於所聞見。各撰小傳。合編一集。然後如未榮者。或不致有名氏翳如之歎。此亦好古者之責也。
歷要於所獨。三歷撮要一卷。每半葉十行。每行十九字。竹汀錢少詹觀之曰。所引萬通百忌萬年具注集聖

廣聖諸書。皆選擇家言。司天監據以銷注。頌朔者也。劉德成。方摻仲。汪德昭。倪和甫。蓋當時術數之士。今無能舉其姓名者矣。予謂陰陽伎術之書。本易亡失。集聖歷四卷。宋楊可撰。載晁志百忌歷二卷。稱唐呂才撰。載陳錄。今皆未見。此歷亦載陳錄。云一卷。無名氏。又一本

名擇日撮要歷。大略皆同。建安徐清波宜翁云。其尊人尚書公應龍所輯。不欲著名。今予所得。即直齋著錄之本也。外間絕未聞有傳之者。
以及硯石南宮。米芾硯史一卷。每半葉十一行。每行廿字。白堤錢聽默曰。此山林拾遺集之一種也。

錢晉收得完本。今轉徙未詳所歸。
書法道人。陳思書小史十卷。每半葉十一行。每行廿字。宋槧起卷第六。其以上。忘憂清樂。忘憂清樂集。不分卷。板有上中下小

數。行字不等。載足本敏求詔中。稱爲李逸民棋譜二卷。非也。書錄解題云。忘憂清樂集。一卷。其待詔李逸民撰集。即此。又考讀書志云。忘憂集。三卷。宋朝劉仲甫編。故此集首題曰。前御書院某待詔李逸民重編也。上中下小數。豈記劉之舊第耶。特拈出正之。
梅花

喜神。宋伯仁梅花喜神譜。不分卷。自舊齋以至就賞。圖形百。各系以五言斷句。景定辛酉。金華雙桂堂重鈔。此書亦載足本敏求記。予辛酉北游。得之琉璃廠。伯仁字器之。湖州人。江湖小集載其雪岩吟草。歷官事行。大略可見。然世之知有此人此書者。鮮矣。其初

刻在嘉熙戊戌者。夷堅片甲。殘本夷堅支甲。每半葉十二行。每行廿三字。所存一至三。又七八。凡五卷。又殘本支壬。每半葉十行。每行十八字。所存三至十。凡八卷。支癸。所存一至八。凡八卷。合兩刻。僅廿一卷而已。文惠元書。共四百二

十卷。此類說一鱗。殘本類說。每半葉十行。每行十六字。所存序及仇池筆記。遞齋閒覽。東軒筆錄而已。序末畧稱損已甚矣。與六年四月望日。溫陵曾慥引。汲古閣秘本目云。宋板類說真本首冊。即此也。讀書志。六十卷。莫不附驥

而服上駟。在御而充下陳。

自其餘又有以下居士第其品於乙故云爾也。

揔無慮而筭目頗踰數而多聞。

通數所賦不數重本凡得百有九種。

嗜遑遑其靡

厭挹兼箱於劣僅馳香嚴與芳茶思計日而取儻。範居室於衡荆姑掩而一慙。

香嚴吾友同郡周君錫瓊世屋名其家宋槩有殘本太平

御覽等芳茶歸安殿君元照之堂也。君字九能居士與之稔為予言其宋槩儀禮要義等右皆銘心絕品為之形於夢寐者也。居士既成

此賦予旋得御覽矣。又別得紹興本管子洪氏集驗方秦隱君詩殘本幼幼新書揮塵錄前錄殘小字本三蘇文粹殘本續資治通鑑節

要皇朝中與繫年要錄節要殘本王逸注楚辭衛湜禮記集說錢佃本荀子注殘本資治通鑑李善注文選殘本東都

事略史載之方韓文考異李復言續幽怪錄之屬凡數十種倘符掩而之頌其請居士為後賦乎爾二百也見說文。

於是撰江夏

之別錄彙無雙而作囿要擇精而語詳竭兩端於我叩推尚友於延令覈名實之不售置敏求以絕塵肯

卑之而或綵。

予思撰所藏書錄專論各本以宋槩一元槩二毛鈔三舊鈔四雜舊刻五分列今宋槩粗就矣昔人書目未有題以宋板者有之自延令季氏始但其日後仍廁他刻此區區之未盡愜心者也讀書敏求記則凡宋元鈔刻雜綵並陳又或

勝其行文之便一槩略去弗言致令不可識別尤不能無憾耳。

且其筵部福秩。福即副貳字顏氏匡謬正俗詳之矣。

千積萬贏甄綜近時陶鑄元明亦嘗雲而仍之至

其遐稽幽討鉅豪規芒測量中古傳聞漢唐固已高而曾之得其大則存亡起廢僚惑條紛炙轂賢路擁

簞聖門得其小則博物所效多聞攸資祕帳助談闕市立師是故上徹下通鉅函細入交讀藏以成其善

此百宋之所以莫能及也。


存亡者晦而仍出也起廢者壞而復善也僚惑者疑而取決也條紛者亂而獲理也四者居宋槩之大端矣聖賢經傳乃賴之以不墜其為用亦鉅矣哉故博物多聞猶其小者耳。

夫洞庭

廣樂。豈齊響於鼃咬。豐人杼首。焉偶形於么麼。狂簡不知所裁。識者燭其弗可。而況顛倒白黑。錯亂是非。予兔園以徇曲。奪鴻寶以挾私。亦猶折衡而揣輕重。踣表而擬高卑。必倍勞而倍拙。不足哈而足悲。用是略扞揚推。粗陳梗槩。冀蘇重慳之久迷。請覺臆繆之常寐。倘欲極其精微。窮其博大。逐字洞其癥結。每篇斷其凡最。鑽筆卒業。竟壽畢世。非僕倦談。所能一二者也。居士之言未終。客乃氣索神沮。手頰不能畫。舌強不能語。忘乎其所詰。失乎其所據。敝罔靡徙。遷延而去。於是主人曰。善。願因筆墨。次第厥詞。答難應閒。終身誦之。

始予請居士撰藏書賦。在己未庚申閒。許而未爲也。後以今名重請。迨甲子冬杪。此賦方就時。居士教讀於廬州府晉江張太守所。又明年乙丑春。手書其藁見寄。及秋。居士以將往山東。應孫淵如先生之招。而歸家省母。然後行。適余注賦竟。

遂仍相商推定之如右也。



目書本元宋舍書芸藝

編鐘士汪

本館據滂喜齋叢
書本排印初編各
叢書僅有此本

藝芸書舍宋元本書目序

汪君閔原藏書甚富。取宋本元本別編其目。各成一冊。以予於此。向嘗究心。出以相示。且屬爲序。夫宋元本之貴。前人所論綦詳。收藏之家。罔不知寶。而近世稱鑒別精審。網羅廣博者。唯遵王、斧季數子而已。今汪君宿具神解。凡於有板以來。官私刊刻。支流派別。心開目瞭。遇則能名。而又嗜好所至。專意在茲。仰取俯拾。兼收並蓄。揮斥多金。會靡厭倦。以故郡中傳流有名祕笈。搜求略遍。遠地聞風。挾冊趨門。朝夕相繼。如是累稔。遂獲目中所列宋元若干種。既精且博。希有大觀。海內好古敏求之士。未能或之先也。汪君之於宋元本。可謂知之深而愛之篤矣。間嘗思天水蒙古兩朝。自祕閣興文。以暨家塾坊場。儒學書院。雕精印造。四部咸備。往往可考。固無書無地。無人不皆宋元本。其距今日遠者。甫八百餘年。近者且不足五百年。而天壤間。乃已萬不存一。雖常熟之錢、毛、泰、與之季、崑山之徐。尙著於錄者。亦十存一二。然則物無不敝。時無不遷。後乎今日之年何窮。而其爲宋元本者。竟將同三代竹簡。六朝油素。名可得而聞。形不可得而見。豈非必然之數者。然則爲宋元計。當奈何。曰。舉斷不可少之書。覆而墨之。勿失其真。是縮今日爲宋元也。是緩千百年爲今日也。幸其間更生同志焉。而所謂宋元本者。或得以相尋而無窮。計無過於此者矣。乃汪君之於宋元本。其知之也深。其愛之也篤。其欲爲之計者。當必有度。越尋常之見。故詳述斯語。用爲序而稔諸。壬午閏月朔書。時將復之揚州。爲洪賓華殿撰校刊說文繫傳之前一日也。元和顧千里撰。

吾郡藏書家。自康雍之間。碧鳳坊顧氏。賜書樓蔣氏後。嘉慶時以黃蕘圃百宋一廬。周錫瓊香嚴書屋。袁壽階五硯樓。顧抱沖小讀書堆爲最。所謂四藏書家也。後盡歸汪閩源觀察。士鎮。蔭之姑母歸觀察之子珠林比部。德英。蔭少時至汪氏山塘所居。其堂宇軒敞。樹石蕭森。堂中懸楹聯。種樹似培佳子弟。擁書權拜小諸侯。阮文達隸書。阮與汪故有連。三十年來如在目前也。咸豐庚申以前。其書已散失。經史佳本。往往爲楊致堂丈所得。兵燹以後。遂一本不存。今從其家得宋元書目鈔本。富矣精矣。真不減東澗滄葦。蓋皆蕘圃澗蠶諸老爲之評定。故絕無僞刻。因付諸梓。猶黃蕘圃刻毛季書目之例。嗚呼。盛衰聚散之感。豈獨此哉。同治十二年十二月十八。是日立春。吳縣潘祖蔭識。

宋板書目

經部

周易注疏抄補	十三卷
周易本義抄補	十二卷
楊誠齋易傳	二十卷
易經	三卷
尙書孔傳	十三卷
尙書注疏金板	二十卷
尙書白文	十三卷
金仁山尙書表注	二卷
詩經	二十卷
劉氏詩說	存一三之八卷
詩經解詁抄補	二十二卷
詩書記	存一之十九卷

周禮注

十二卷

又

存一之三卷

周禮

十二卷

又

存三之六卷
九十

周禮要義

儀禮鄭注

儀禮單疏

儀禮要義抄十三卷

禮記鄭注

又

禮記集說

禮記

禮記釋文

禮記

左傳集解 小字本

十七卷

存一之三十一卷
三十之五十

五十卷

二十卷

存九卷

一百六十卷

二十卷

不分卷

存一之十二卷
五之十

存一之十三十九之二十四卷
二十七之三十

又 大字本

存八之十 十五之二十
二十二之三十

又 岳板 零配覆本

三十卷

又 小字 重言重意本

存十五之三十卷

又

三十卷

公羊注疏 十行本

二十八卷

公羊經傳解詁

存七之十二卷

穀梁經傳解詁

十二卷

春秋釋文

六卷

四書章句

大學中庸二卷 論語十卷
孟子十四卷 學庸或問二卷

張九成孟子傳

二十九卷

爾雅郭注

三卷

爾雅單疏

十卷

羣經音解

七卷

說文解字

三十卷

又

三十卷

說文繫傳

存三十之四十卷

古文四聲韻

五卷

龍龕手鑑抄補

四卷

吳才老韻補

五卷

禮部韻略

五卷

毛晃增補韻略附貢舉條例一卷

五卷

押韻釋疑

五卷

玉篇

存七之十八二卷
十五之三十

史部

史記集解

一百三十卷

史記索隱 耿板

存帝紀八之十二 年表一之三 六之十八 世家八之三十一卷

又

存帝紀一之七 年表一之七八 書全 世家一之十二卷

又

存帝紀六之十二 年表一之十八 書全 世家一之六卷

前漢書 景祐本

百卷

又

百卷

後漢書

百二十卷

三國志抄補五卷

六十五卷

單吳志

二十卷

晉書

百三十卷

北史

存列傳三十卷

新唐書

小字本

二百五十卷

又

大字本

又

存本紀全禮樂志一之八十五之三十三之四十七
表二之上十下十一之上十二十三之十五
列傳一之三十六四十四之八十一八十九之百二
百三十六之百四十五之四十八之百五十八
八十九之百二 百八之百二十八

又

存本紀全禮樂志三十四之五十五
列傳一之二十一 表全

舊唐書

存志十一之十四 二十一之二十五 二十八之三十
三十八之四十七 五十一之六十五 七十八之八十三
百二十九之三十四 百四十四之百四十六 傳十五之二十八
百十五之百十九

梁書

存本紀一四之六
列傳五十 卷

陳書

存本紀六
列傳三十 卷

史記索隱

百三十卷

後漢書抄補

三國志

史記集解抄補

後漢書抄補

資治通鑑

又

又 大字本

又 大字本

百二十卷

存 七十九之二十五之卅 三十九之四十五 四十九 五十卷

百三十卷

百二十卷

二百九十四卷

存 十一之十五 二十二之四十二 四十五之四十七 五十一 五十二

七十三之七十九 八十八 八十九 八十九之百二 百十之百十四
百十七之百三十六 百四十三之百四十四 百四十七之百五十一
百五十八之百七十六 百七十三之百七十四 百八十八之二百
二百九之二百六十一 二百三十四之二百三十七 二百四十一之二百五十五
二百六十三之二百六十五 二百六十八之二百七十一
二百八十一 二百八十四之二百九十四

存

一之五 七之二十五 三十七之三十八 四十二之八十三
八十六之百五 百七之百十八 百二十之百五十五
百五十三之百五十五 百六十一之百八十二 百八十三
百八十五之百八十九 百九十一 百九十二 百九十六之二百一
二百三之二百七 二百九之二百三十九 二百四十二之二百七十一
二百七十六之二百七十九 二百八十六之二百八十九 二百九十一
六之十六 十九之二十一 三十四 三十八之五十四 五十七之七十
七十二之百一 百十三之百十七 百二十三之百二十九
百三十五之百三十九 百四十一之百五十五 百五十七之百六十一
百六十六 百八十八之百九十一 百九十四之二百二十五
二百二十七之二百五十五 二百五十四 二百五十五
二百六十三 二百六十五 二百七十一

資治通鑑大目錄

三十卷

通鑑考異抄補

三十卷

通鑑釋文

三十卷

通鑑外紀詳節

十卷

九朝編年

三十卷

又抄補

三十卷

編年通載

存一之四卷

續通鑑詳節

存一之六卷

中興繫年要錄

存八之十七卷

中興聖政錄

存一之二十四 十五之六十四卷

大宗實錄 宋抄

存三十之三十五 四十一之四十五卷

李燾續通鑑長編

存七十五之三十四 三十八之一卷 四十之一卷 五十七之二卷

八十一之一卷 八十一之三卷 八十二之一卷 八十二之四卷

八十三之一卷 八十三之四卷 八十四之一卷 八十五之五卷

又 百零八卷

八十六之一卷 八十八卷 九十一之二卷 九十六之三卷

陸唐老通鑑

百二十卷

通鑑目錄

五十九卷

資治通鑑

二百九十四卷

通鑑紀事本末

四十二卷

又小字本

四十二卷

紀事本末撮要

八卷

建康實錄

二十卷

古史

六十卷

東都事略

存

三十一之四十八十四之百五

四十六之四十八百十六之百二十九

五十一之六十

鮑注戰國策

十卷

高注戰國策

三十三卷

兩漢詔令

前十二卷後十一

石林奏議

十五卷

諸臣奏議

百五十卷

東家雜記

二卷

諸葛武侯傳

不分卷

古列女傳

七卷續一卷

兩漢博聞

十二卷

方輿勝覽

七十卷

東南進取輿地通鑑

存一之三卷

輿地廣記

三十八卷

又

存十八之三十四卷

吳郡續圖經

三卷

咸淳臨安志

九十三卷

新定續志

十卷

嚴州圖經

存一之三卷

吳郡志

五十卷

會稽三賦

三卷

六朝事迹類編

十四卷

中興館閣錄續錄

正存二之十卷
續存一之九卷

通鑑博議

十卷

子部

荀子 熙甯本

二十卷

又錢佃本

二十卷

說苑

二十卷

新序

十卷

中說

十卷

大學衍義

四十三卷

童蒙訓

三卷

西山讀書記

存 甲三十七卷 乙二十二卷
丁二卷

又

存 甲一之二十六
乙二十二卷

楊子法言

十三卷 附音義一卷

武經七書

孫子三卷 吳子二卷 司馬法三卷
唐太宗李衛公問對三卷 尉繚子三卷
黃石公三略三卷 六韜六卷

孫子

二卷

吳子	二卷
司馬法	二卷
管子	二十四卷
棠陰比事	不分卷
又管子	二十四卷
鬼遺方	五卷
龐安時傷寒總論	六卷
史載之方	二卷
雞峯普濟方	存 <small>一四三七</small> 九之三十卷
活人書	十八卷
洪氏集驗方	五卷
衛生家寶產科備要	八卷
致和本草 <small>金板</small>	三十卷
又抄補	三十卷
傷寒要旨	二卷

素問要旨論

八卷

千金方

三十卷

儒門事親 金板

十五卷

十便良方

存十卷

外臺祕要

存一之二十三
存二十四之三十七卷

幼幼新書 抄補

存七卷

杜光庭玉函經

不分卷

仁齋直指

二十六卷 附醫脈真經一卷 小兒方論五卷
仁齋傷寒活人總括七卷

張氏醫說

十卷

三因極一病證方論

十八卷

太玄經 宋抄

十卷

五音地理新書 金板

十五卷

範圍數

二卷

三命消息賦

三卷

三麻撮要

一卷

圖書見聞志	六卷
書小史	十卷
硯史	一卷
忘憂清樂集	一卷
酒經	三卷
梅花喜神譜	不分卷
顏氏家訓	七卷
淮南子 <small>小字</small>	二十一卷
尹文子	二卷
容齋續筆	十六卷
演繁露	十卷
示兒編	二十三卷
魏郊錄	十五卷
張子語錄	四卷
楊龜山語錄	六卷

春明退朝錄

三卷

文苑英華抄

四卷

初學記

三十卷

白氏六帖

三十卷

白孔六帖

百卷

事物紀原

二十卷

記纂淵海

百九十五卷

詩律武庫

前
後三十卷

事類賦抄補

三十卷

古今合璧事類

存
前一卷四之四十一
後一之十二
五十八之六十三
六十五之八十一
四十三之六十九
四十五之五十二

十二先生詩宗集韻

二十卷

太平御覽

存
一之百三十二
四百二十四之四百五十五
五百四十一之五百四十五
七百二十六之七百三十五
百七十二之二百
二百二十一之三百六十八
五百三十一之五百三十五

蒙求補注

八卷

三續千字文
册府元龜

一卷

刻存

百二十九之百六十六 百七十一之百八十 百八十二之二百另四 五
百另五之五百三十八 五百四十二之五百七十七 五百八十三之五百九十九 六百另四 六
百另五抄
六百另八之六百六十 六百六十六之七百另二 七百另六之七百另八
七百十七之七百二十 七百二十六之七百三十二 七百三十七之七百三十九 七百四十二之
七百五十六 七百六十一之七百九十一 八百另三之八百另六 八百十一 八百十二
八百十五之八百六十五 八百七十六之九百卷 九百另六之九百三十三 九百三十六之九百三
十八 九百四十四之九百四十七 九百五十六 九百六十一之九百六十六 九百六十七 九百七十
之九百五十六 九百六十一之九百六十六 九百六十七 九百七十

舊抄存

六百另九之六百另三 六百另六之六百另七 七百另二之七百另五
七百另九之七百十六 七百四十一 七百五十七之七百六十七
七百三十三之七百三十五 七百九十五 八百另七之八百十一 八百十三 八百六十六
百九十二之七百九十五 八百另二 八百另七之八百十一 八百十三 八百六十六
八百另八 八百另九 八百三十四 九百四十三 九百四十八 九百四十九
九百三十五 九百三十九 九百四十三 九百四十八 九百四十九
九百五十七之九百六十六

三卷續一卷

十二卷

十卷

湖山野錄 元人抄補
清波雜志
茅亭客話

雲溪友議

三卷

揮麈錄

存前四卷後二卷

又

存前三卷
存前四卷後十一卷
存三三卷餘話二卷

鑑誠錄

十卷

夷堅志 甲乙丙丁四集

八十卷

幽怪錄

四卷

山海經

三卷 總目分十八卷

翻譯名義

七卷

又毛氏抄補

全

五燈會元

存一之十卷

首楞嚴經元覽

一卷

大慧普覺禪師年譜

不分卷

宗鏡錄節要

二卷

景德傳燈錄

三十卷

人天寶鑑

二卷

河上公注老子

二卷

沖虛至德真經

八卷

南華真經郭象注

十卷

亢倉子

五卷

通玄真經

十二卷

玉皇心經

一卷

反離騷

一卷

錢杲之離騷集傳

一卷

楚辭王逸注

十七卷釋音一卷

離騷草木疏

四卷

集部

陶淵明集

十卷

又

不分卷

湯註陶詩

四卷

駱賓王集毛抄補

十卷

王右丞詩文集

十卷

李太白集

三十卷

九家註杜詩

存一之十八 二十之二十四卷

杜工部草堂詩箋

存二十七之三十四卷
附錄一卷

孟浩然詩

三卷

孟東野集 小字本

十卷

又

存一之五卷

李賀歌詩編 金板

四卷

韓文公全集 世綵堂本

正四十八卷 外十八卷
遺文一卷

補注韓昌黎文集

四十卷 外十八卷 遺文三卷
文公志三卷

柳子厚文集

四十五卷

柳柳州集

存三之八 十四之二十五 三十八之四十五
外二卷

白文公文集

存十七卷

甲乙集

十卷

許丁卯集

二卷

李頻詩集	一卷
孫樵集	十卷
胡曾咏史詩	三卷
李建勳詩集	一卷
周賀詩集	一卷
唐秦隱君集	一卷
唐求詩集	一卷
朱慶餘集	一卷
浣花集抄補	十卷
乖崖文集	十二卷
林和靖集	存一卷
鉅鹿東觀集	十卷
司馬溫公集	八十卷
趙清獻集	十六卷
歐陽公居士集	五十卷

樂全集

存十七之三十四卷

嘉祐集

十五卷

荆公詩註

存刻二十七四十五二十八四十六三十四之三十八四十七四十八之五十

蘇東坡和陶詩

二卷

樂城文集

存前一之八後九之二十一卷

山谷詩註

存一之十八卷

參寥子詩集

十二卷

梁溪文集

存十三九十一十四九十八四十一之五十二百四十八六十二之七十百五十三百五十四百六十一百六十三

北山小集

四十卷

孫尚書內簡尺牘

十六卷

又大全集

存六九九四十二十五之十八四十九二十三之二十五五十七三十之三十五卷

黃豫章文集

存一之十四 十七之十九卷

又外集

存一之六卷

葛歸愚集

存五之十三卷

范香溪集

周益公集

義豐文集

雲莊四六餘話

楊誠齋文繪前後集

陸渭南文集

劍南詩稿

黃勉齋集

魏鶴山集

渠陽詩

真西山集抄補

友林乙稿

劉后村集

二十一卷

存省齋文稿一之八
玉堂類稿六之八二十八之三
十六

平園雜稿一之十五
歷官表奏一之五
承明錄一之六
附錄五卷
十一
二十七之三十
三十六之四十

承明錄一之六
附錄五卷

一卷

不分卷

二十四卷

五十卷

存目錄三卷
藏八卷正集十卷

四十卷

百九卷

不分卷

五十四卷

一卷

六十卷

文文山指南錄

四卷

王建詩集抄補

十卷

東坡集

存一之二十三 三十二 三十三
三十一 三十六之三十九

白文公集

七十一卷

東坡文集

存一之十一 二十一之二十七
三十之四十

黃山谷大全集

五十卷

小畜集抄補

三十卷

后山詩註抄補

十二卷

王右丞文集北宋本

十卷

李善註文選抄補

六十卷

又

存三十三卷內抄三卷

六臣註文選

六十卷

又張之綱本

六十卷

寶氏聯珠集

五卷

才調集抄補

十卷

文苑英華辨證	十卷
唐百家詩選	存一之五 十一之十五
唐僧弘秀集	存八卷
三謝詩	一卷
詩苑衆芳	一卷
分類唐詩	存十二卷
聖宋文選抄補	三十二卷
萬首唐人絕句	存三十六卷
崇古文訣	二十卷
中興羣公吟稿戊集	七卷
吳說編杜王絕句	四卷
崑山雜咏	三卷
三蘇文粹	七十卷
觀瀾集	八卷
古文苑	二十一卷

麗澤集

三十五卷

續麗澤集

十卷附關鍵增廣麗澤集文一卷

唐百家詩選

存十一卷

唐文粹零配覆本

百卷

片玉詞周美成詳註

十卷

楊太后宮詞宋本

一卷

蘆洲詞

一卷

元板書目

易類

周易朱子本義

十卷

周易集說

不分卷

文公易說

三十三卷

書類

尙書輯錄纂註

六卷

陳大猷尙書集傳

十二卷

或問

二卷

尙書經傳音釋

六卷

詩類

詩經朱子集傳

十卷

又

十卷

詩經問疑

八卷

詩經集傳附錄纂疏	二十卷
齊魯韓三家詩考	六卷
詩經疏義	二十卷
詩經通釋	二十卷
禮類	
儀禮圖	十七卷
附旁通圖	一卷
五服圖解	一卷
陳澧禮記集記	十六卷
禮書	百五十卷
春秋	
春秋左傳單林註	七十卷
春秋纂言	十二卷
附總例	一卷
春秋會通	二十四卷

春秋辨疑	十卷
春秋纂疏	三十卷
左氏博議 <small>錢楚殷校宋本</small>	二十五卷
四書	
四書叢說	八卷
樂類	
樂書	二百卷
字書	
六書統	二十卷
六書溯源	十二卷
六書正譌	五卷
韻書	
韻會舉要	三十卷
平水韻略	五卷
編年	

胡三省音註通鑑 二百九十四卷

胡三省通鑑辨誤 十二卷

陳種續通鑑 二十四卷

宋季三朝政要 六卷

十七史纂古今通要 十七卷

古今通要後集 三卷 又三卷

宋史全文 三十六卷 附錄二卷

別史

逸周書 十卷

契丹國志 二十七卷

蜀漢本末 三卷

雜史

吳師道校註戰國策 十卷

奏議

陸宣公奏議 十五卷

傳記聖賢

孔氏祖庭廣記

十二卷

道命錄

十卷

傳記名人

晏子

八卷

傳記總錄

南渡十將傳

十卷

元名臣事略

十五卷

百將傳

存六卷

史鈔

通鑑總類

二十卷

宮殿疏

三輔黃圖

六卷

地理總志

混一方輿勝覽

三卷

山川

茅山志

十五卷

地理雜記

東京夢華錄

十卷

政書通制

通志

二百卷

又

二百卷

典禮

聖朝孔子廟祀

不分卷

影元抄素王事記通制孔子廟祀

不分卷

法令

唐律疏義

三十卷

金石

隸續抄補二本

二十一卷

子部儒家

抄本孔叢子 元人抄

七卷

崇正辨

三卷

近思錄

十四卷

小字本陸賈新語

二卷

讀書分年日程

三卷

醫家

千金方

三十卷

錫類鈐方

二十二卷

傷寒百證歌發微論

五卷
二卷

傷寒直解

五卷

太平惠民和劑局方

十卷

醫學發明

存七卷

傷寒括要

百二十篇

傷寒論註

十卷

外科精義

二卷

濟生拔萃 十九卷

附保命集論 二卷

惠民御藥院方 二十卷

醫方大成 十卷

陰陽五行

年月備要 前集三元通用六十年定例
後集六卷 諸家總要

書畫

圖繪寶鑑 五卷

續 一卷

器用雜物

考古圖 十卷

雜學

呂氏春秋 二十六卷

雜考

小字本白虎通 二卷

雜說

夢溪筆談

二十六卷

雜品

居家必要

十卷

雜編

六子全書

神虛經 八卷 老子道德經 二卷 南華經 十卷
荀子 廿卷 楊子法言 十卷 文中子 十卷

又

書學彙編

十卷

類書

藝文類聚

百卷

山堂考索

前集 六十六卷 後六十五卷
續 五十六卷 別 二十五卷

又

全

玉海

二百卷

又

二百卷

附辭學指南

四卷

又

王應麟雜著

四卷

詩考一卷 詩地理考六卷 漢藝文志攷十卷
通鑑地理通釋十四卷 漢制考四卷 急就篇四卷
姓氏急就篇二卷 周易鄭注一卷 王會解一卷
踐阼篇一卷 小學紺珠十卷 六經天文編二卷
通鑑答問 五卷

又

袖珍本事文類聚翰墨大全

全

甲 十二卷 后甲 十五卷 乙 九卷 后乙 十三卷
丙 十四卷 后丙 十二卷 丁 十一卷 后丁 十四卷
戊 九卷 己 十二卷 庚 十五卷 辛 十六卷
壬 十七卷 癸 十七卷

袖珍本啓劄青錢

事文類聚

氏族大全

大學重新增修截江網

小說

鐵圍山叢談 雁生草堂本
述古堂藏

十集

三十五卷

六卷

前 十卷 外 十卷 續 十卷
別 十卷 後 十卷 續 十卷
續 六十卷 後 五十卷
續 二十八卷 別 三十二卷

釋家

釋氏通鑑

十二卷

釋氏稽古略

四卷

道家

關尹子

三卷

清庵先生中和集

六卷

集部

箋注陶淵明集

十卷

集千家注杜集

二十五卷

王右丞詩集

六卷

增廣註釋音辨唐柳先生全集

詩文集 四十三卷 別集 二卷
外集 二卷 附錄 一卷

許丁卯集

二卷

伊川擊壤集

二十卷

王注蘇詩

三十二卷

范香溪集

二十二卷

任松鄉文集	十卷
劉靜修集	三十卷
馬石田集	十五卷
楊鐵崖古樂府	十卷
附復古詩	六卷
俞貞木抄存悔齋詩朱性甫補頁	一卷
吳禮部集	二十卷
程雪樓集	三十卷
陳簡齋詩集	三十卷
范德機集	七卷
麟溪集	十六卷
麗則遺音	四卷
白玉蟾武夷集	八卷
張白雨詩集	五卷
梅花百咏	一卷

翰林珠玉集

六卷

滄浪吟

三卷

趙松雪集

十卷

又詩文外集

一卷

黃文獻公集

存一之十二 二十二之三十一卷

分類補註李太白集

存二十五卷

范文正公集

二十卷 別集四卷 尺牘三卷 遺文一卷

范忠宣公集

二十二卷

張忠公文集

二十八卷

總集

李善注文選

六十卷

又

六十卷

皇元風雅

不分卷

中州集

十卷 附樂府一卷

皇元文類

七十卷

左克明樂府

十卷

詩文評

文則

百五十六條

文心雕龍

十卷

金石例

十卷

詞

東坡詞

二卷

辛稼軒長短句

十二卷

曲

琵琶記

二卷

荆釵記

二卷



袁氏藝文金石錄

附錄

袁渭漁等輯

本館據漸西村舍
叢刊本排印初編
各叢書僅有此本

袁氏藝文志敘

袁氏之族。椒居列州。而系望皆出於陳郡陽夏。支葉扶疏。本原實一。歷紬正史。清德代有。風節儒雅。前言往行。南董不絕書。皆可以爲後世子孫法式。勿愆勿忘。賢者奮不。耆勉。蓋有待焉。不佞。以經史子集。分門著錄。袁氏書。未卒業。及門袁渭漁。比部留心家故。不謀而合。夙耽手錄。有袁氏藝文志。以代編次。指與予小異。比部不幸卽世。其子茂才文鳳。客於予。今夏復與之就兩家所錄。重加揆葺。攷訂。姑仍其例。編成一冊。袁氏之先。無慮飛翠鳴玉。有籍于朝。或蓬累帶索。行歌于野。迹無論窮通。位不擇仕隱。要皆敦厚。退讓忠信。篤敬之士居多。率游心養氣。與道合符。遺榮治性。見義忘軀。其著之竹帛。流傳到今。特素履之陳迹。言行之糟粕耳。後之子孫。苟具知人論世之識。孰是編以攷袁氏之撰述。諷經稽史。文章自成一子。演孔刮老佛。不蹈襲前人之單詞野言者。歷代皆有之。蒙聖朝采錄。入御覽七閣書庫。英華靡絕。亦比比而是。後之人有志爲學。讀先世著述。服習其行。亦可以爲成人矣。孽其本根。毋徒擷其華藻。乃足以熏習陶冶。興起百世之下。躡襲世事。特立獨行。成爲忠信篤敬之士。上之濟時。須排世難。夷險一節。中不墮先世令名。以毋忝所生。下亦足辦林泉偃仰。垂空文。自娛。用以觴豆軒義。椎輪魯鄒。襟桂儒林。糠粃塵組。蓋將涉其表。以入其裏矣。文字云乎哉。光緒丁酉九月。芳郭鈍窠敘。

袁氏藝文志

韓

固漢孝景時博士清河王太傅武帝初復以賢良徵時年已九十餘

詩說 漢藝文志詩經二十八卷魯齊韓三家儒林傳言詩於齊則韓固生師古注同名韓袁爰古今生者其號也

爰

禮漢

說文敍云孝平時以禮為小學元士令說文字未央廷中楊雄采以作訓纂篇

袁

康漢會稽人

越絕書十六卷與吳平同撰見國史經籍志按隋唐志皆云子貢作宋志云越絕書十五卷或云子貢所作焦竑云非也四庫總目云十五卷不著撰人名氏書中吳地傳稱句踐徙瑯玕到建武二十八年

凡五百六十七年則後漢初人也書末敍外傳記以度詞隱其姓名其云以去為姓得衣乃成是袁字也厥名有米覆之以庚是康字也禹來東征死葬其疆是會稽人也又云文詞屬定自于邦賢以口為姓承之以天是吳字也楚相屈原與之同名是平字也然則此書為會稽袁康所作同郡吳平參定也

袁太伯漢臨淮人

易章句 四庫總目史部越絕書注引王充論衡案書篇曰東番鄒伯奇臨淮袁太伯袁文術會稽吳

君高周長生之輩位雖不至公卿誠能知之囊橐文雅之英雄也觀伯奇之元思太伯之易章章之

句文術之箴銘君高疑即吳之越紐錄絕書長生之洞歷劉子政楊子雲不能過也

袁 良字厚卿漢歷將作大匠廣陵太守梁相曾為國三老陳國扶樂人

易說 後書袁安傳云祖父良習孟氏易安少傳良學必有解說著之竹帛可知隸釋載袁良碑有

惇綜易詩之語然則厚卿公匪惟明易且兼通三家詩也

袁 京字仲譽漢侍京中蜀郡太守

易難記 後書袁安傳云子京敏最知名京習孟氏易作難記三十萬言敏字叔少傳易經教授京子

彭字伯楚湯河字仲均少傳家學

袁 □漢

隋志云尙書中候洛罪級五行傳詩推度災汜歷樞含神務孝經勾命決援神契雜讖等書漢代有

郗氏袁氏說案袁氏史失其名

袁 渙字曉卿魏行御史大夫陳郡扶樂人滂子

集五卷錄一卷見隋志新舊唐志並著錄集五卷

袁 準字孝尼晉給事中渙第四子

集二卷。錄一卷。見隋志。新舊唐志並著錄集二卷。

喪服經傳注一卷。見隋志。舊唐志作喪服記注。

袁子正書十九卷。見隋志。羣書治要及嚴輯全晉文所刊。乃刪摘本。新舊唐志並作廿卷。太平御覽重出袁準正書。

覽重出袁準正書。

袁子正論廿五卷。見隋志及新舊唐志。嚴輯全晉文所刊。乃刪摘本。

儀禮注一卷。見新唐志。國史經籍志作十卷。

袁質字道和。晉琅玕內史。東陽太守。準曾孫。

集二卷。錄一卷。見隋志。新舊唐志並著錄集二卷。

袁喬字彥叔。晉益州刺史。喬史謚曰簡。瓌子。

集七卷。見隋志。新唐志及宋志並五卷。嚴輯全晉文作七卷。

論語注十卷。見隋志及新唐志。

毛詩注口卷。見嚴輯全晉文。

袁豹字南昌。晉丹陽太守。追封南昌縣五等子。準元孫。

集八卷。錄一卷。見隋志。新舊唐志並十卷。

晉元正宴會遊集四卷。與伏滔等同撰。見舊唐志。新唐志作宴會詩集。

袁

宏 字彥伯晉東陽太守歐孫助子

集十五卷 梁廿一卷 見隋志 新舊唐志並著錄集廿卷

周易略譜一卷 見舊唐志 新唐志無周易二字

後漢紀三十卷 見隋志及新舊唐志宋志

名士傳三卷 見新唐志 宋志作正始名士傳二卷

竹林名士傳三卷 見嚴輯全晉文

中朝名士傳□卷 見嚴輯全晉文

袁

崧 字山松晉秘書監吳郡太守裔孫

集十卷 見隋志

後漢書九十五卷 見隋志 舊唐志作百二卷 新唐志著錄百一卷 錄一卷

宜都記□卷 見說郛 太平御覽引書目作宜都山川記

袁崧書□卷 見後書袁安傳注 又引見劉玉麀覽齋遺稿

袁

邵 晉太宰從事中郎

集五卷 錄一卷 見隋志 新唐志著錄三卷 舊唐志作袁紹集三卷 疑有

袁

敬仲 晉東陽太守

集議孝經一卷。見隋志。

正始名士傳三卷。見隋志。舊唐志作袁尚撰無正始二字。

袁真晉西中郎將

老子道德經注二卷。見隋志。新舊唐志並作老子注二卷。

袁曄晉字思光

獻帝春秋十卷。見隋志及新舊唐志。

袁遵晉

慕後九品序一卷。見隋志。

袁希之晉

漢表十卷。見舊唐志。

袁悅之晉字元禮陳郡陽夏人

繁辭注口卷。見陸德明經典釋文。

袁公松晉

勾將山記口卷。見太平御覽引書目。

袁王壽宋永嘉太守

古異傳三卷。見隋志及新舊唐志。

袁伯文宋中書郎

集十一卷并目錄。見隋志。新舊唐志並著錄集十卷。

袁淑字陽源宋太尉忠憲公豹子

集十一卷并目錄梁十卷。見隋志。新舊唐志並著錄集十卷。

補謝靈運詩集一百卷張敷同撰。見隋志。

誥新唐志作佛文十卷。見隋志。新舊唐志並十五卷。

高隱傳二卷。見舊唐志。新唐志作真隱傳二卷。

忠憲集口卷。見乾坤正氣集。

袁陽源集口卷。見百三名家集。

袁觀宋武陵太守豹孫

集八卷。隋志作袁顗撰。誤。

袁粲字景倩宋司徒殉節淑猶子

集十一卷并目錄梁九卷。見隋志。新舊唐志並著錄集十卷。

袁象字偉才齊侍中諡曰靖觀子

集五卷并錄。見隋志。

袁祈齊

喪服答要難一卷。見隋志。

舊唐志作喪服要難。趙威問。仇祈答。新唐志作喪服要難。趙威問。袁祈答。

袁昂字千里。梁司空侍中。尚書。謚曰穆正公。顯子。

集廿卷。見新舊唐志。

書評一卷。見文獻通攷。

袁式字季祖。贈豫州刺史。諡肅侯。滂之後。

字釋。魏書本傳。式沈靖樂道。周覽書傳。至於詰訓倉雅。偏所留懷。作字釋。未就。以天安二年卒。

袁躍字景騰。後魏司空。祭酒。陳郡人。顯弟。

集十三卷。見隋志。新舊唐志並九卷。

袁樞字踐言。隋尚書左僕射。謚曰簡懿。君正子。

集十卷。見本傳。

袁憲字德章。隋開府儀同三司。謚曰簡樞弟。

喪禮五服七卷。見隋志及新唐志。

袁朗陳太子洗馬。隋儀曹郎。入唐。官至給事中。長安人。樞子。

袁氏藝文金石錄附錄

集四卷。見舊唐志。新唐志作十四卷。

歐陽詢藝文類聚一百卷。與袁朗合撰。初修。見新唐志。

袁天綱隋大業中為鹽官令。唐貞觀初。太宗召見。後為火山令。子客師。傳其術。成都人。

太一命訣一卷。見通考經籍志。

太白會運逆兆通代記圖同李淳風集。口卷。見新唐志。

管氏指蒙注口卷。見宋史藝文志。

氣神經五卷。見國史經籍志。

相笏經一卷。見國史志。

易鏡元要一卷。見國史志。

人倫龜鑑賦一卷。見國史志。

骨法一卷。見國史志。

怪書一卷。見宋志。

相書七卷。見宋志。又見新唐志。

要訣三卷。見新唐志。又見宋志。

響應經一卷。見宋志。

玄成子一卷。見宋志。

玄明經一卷。見宋志。

相氣色詩一卷。見宋志。

通明玉帳法一卷。見宋志。

玄女三廉射覆經一卷。見宋志。

九天玄女墜金法一卷。一作孫思邈撰。見宋志。

遁甲小遊太一諸將立成圖二卷。見宋志。

袁天綱外傳。見古今說海。

袁智宏唐高宗朝宰相。

垂拱式廿卷。

垂拱格十卷。

垂拱新格二卷。

散頒格三卷。

留司格六卷。以上與王守慎等奉詔撰。見新唐志。

袁滋字德深唐節度使相憲宗。

袁氏藝文金石錄附錄

雲南記五卷。見新唐志。國史志作一卷。

袁郊字之儀唐祠部郎中滋子

二儀實錄□卷。見新唐志。

衣服名義圖一卷。見新唐志。

服飾變古元錄一卷。見新唐志。宋志作三卷。

甘澤謠一卷。見宋志。

三輔舊事□卷。見說郛。

袁不約字還朴唐長慶中進士

詩集一卷。見宋志。

袁悅唐仙居令

劉揚名戚苑玉海作戚晚纂要十卷。戚苑英華十卷。新唐志云悅重修。案書錄解題戚苑英華十卷。

悅撰唐志云重修。蓋因揚名之舊而廣之。

袁希政唐播州錄事參軍或作孝政

春秋要類五卷。見宋志。

劉子注五卷。見通考經籍志。

袁 皓 字退山咸通中進上龍紀中爲集賢
殿圖書使自稱碧池處士宜春人

集一卷 見宋志

碧池書三十卷 見新唐志及宋志

興元聖功錄功臣錄三十卷 見宋志 新唐志僅載
聖功錄三卷

道林寺詩二卷 見新唐志

袁克己 唐

孝經注一卷 見國史經籍志

袁僑卿 唐

微言集注四卷 見國史經籍志

袁卓 唐

遁甲專征賦一篇 爲一册 見道定外函叢書

袁覺 宋

讀書記廿三卷 見宋志

袁夢麟 宋字
應祥

漢制叢錄廿卷 見宋志

袁氏藝文金石錄附錄

袁震宋

臨江軍圖經七卷。見宋志。

袁觀宋

潼川府圖經十一卷。見宋志。

袁陟字世弼一字遜翁宋慶歷中進士

陳郡袁氏譜一卷。見通攷。

廬山四遊詩一卷。見宋志。

金陵訪古詩一卷。見宋志。

遜翁集口卷。金陵詩徵云陟有遜翁集若干卷。

袁穀字容直宋嘉祐進士朝奉大夫知處州鄞人

韻類題選一百卷。見國史志。

袁樞字機仲宋進士仕至工部侍郎國子祭酒曾為嚴州教授因家桐廬

通鑑記事本末四十二卷。見宋志。

學易索隱一卷。見宋志。

易傳解義辯異口卷。見本傳。

童子問口卷。見本傳。

袁采字君載，宋進士，信安人。

世範三卷。見宋志。

集事詩鑑一卷。見知不足齋叢書。

歛歐子一卷。見宋志。

樂清志十卷。見通攷。

袁文字質甫，父。

瓊牖閒評八卷。見續通考。

袁燮字和叔，一字潔，宋禮部侍郎，謚正獻，文子。四朝同治中從祀孔子廟庭。

書鈔十卷。見宋志。通攷云：其子喬崇謙錄其家庭所聞，至君薨而止。

毛詩經筵講義一卷。見續通攷。

陸文安公九淵年譜口卷傅子雲編。見四庫書目。

絜齋集廿六卷。後集十二卷。見通考。國史志共作三十九卷。

袁甫字廣微，宋嘉定中進士，吏部尚書，謚正獻。

中庸講義四卷。見續通考。

中庸詳說二卷。見宋志。

孝經說三卷。見宋志。國史志重出廣微孝經說三卷。

信安志□卷。見本傳。

信安續志二卷。見通考。

孟子說□卷。見本傳。

後省封駁□卷。見本傳。

江東荒政錄。見本傳。

防拓錄□卷。見本傳。

樂事錄□卷。見本傳。

蒙壘集四十卷。見補宋史藝文志。菴竹堂書目著錄集廿冊。

續集六冊。見菴竹堂書目。

番江集二冊。見菴竹堂書目。

袁思正

宋

集六卷。見宋志。

袁聘儒

宋紹熙中進士建安人。

葉正則易說一卷。續通考云聘儒釋述。

袁去華字宣卿。宋紹興中進士。改官石首縣知縣。奉新人。

適壘類稿八卷。見通考。

詞一卷。見通考。

袁悅友字起巖。宋隆興中進士。累官同知樞密院參知政事。建安人。

東塘集廿卷。見續通考。

成都文類五十卷。見續通考。

高宗實錄五百卷。與史官洪邁等同修。見國史志。

袁詔字彥純。宋淳熙中進士。官至參知政事。贈太師。越國人。

錢塘先賢傳贊一卷。見續通考。

袁仲晦宋

朱子年譜一卷。見四庫書目。

袁淑真宋朝散郎。潭州長沙縣主簿。

陰符經注一卷。見宋志。

陰符經疏三卷。見宋志。

陰符經集解五卷。見宋志。

袁字德平。宋太學生。入元不仕。

書學纂要□卷。見補元史藝文志。

臥雪齋文集□卷。見補元志。

詩集□卷。附存袁樹清容居士集中。見元詩選。

袁駿宋

楓窗小牘□卷。見補宋志及說郛。按唐宋叢書闕名。四庫書目云。不著撰人名氏。前有明海鹽姚

士彝序。以書中所載先三老一條。證以隸釋袁良碑。知其姓袁。又有少長大梁及僑寓臨安語。可知

其鄉貫。其名終莫得其詳。查初白編修慎行注蘇文忠來鶴亭詩。引為袁駿。未詳何據。駿實明人。疑

初白誤也。上卷記見崇寧間作大鬢方額。下卷言嘉泰二年月食事。即以崇寧末年而計。亦相距九

十七年。舊本題百歲老人不誣也。

袁桷元人。字柏長。少為麗澤書院山長。官至侍講學士。卒。贈江浙行省參知政事。諡文清。慶元人。

易說□卷。見補元史藝文志。

春秋說□卷。見補元志。

仁宗制誥錄□卷。與元明善等同撰。見補元志。

郊祀十議一卷。見補元志。

清容居士集五十卷。見補元志。

延祐四明志廿卷。見補元志。

袁從義元字用之中條山道士虞鄉人。

周易釋略□卷。見補元志。

袁俊翁元字敏參袁州人。

四書疑節十二卷。見補元志。

經史疑節一冊。見棗竹堂書目。

袁士元元字彥章縣學教諭尋樞翰林院檢閱官不赴鄞人瑛之父。

書林外集七卷。見補元志。

袁易字通甫元進士石澗書院山長長洲人。

靜春堂集四卷。見補元志。

詞一卷。見補元志。

袁泰元子易子。

詩集□卷附存袁易靜春堂集中。見元詩選。

袁明善元字誠夫臨川人

大學中庸日錄□卷。見補元志。

征賦定考□卷。見補元志。

袁坤原元字淳甫成都學醫官

難經本旨□卷。見補元志。

袁當時字良所元至正中舉於鄉後遇異人授以方書遂懸壺通跡端木孝文欲援引之竟不可得溧水人

秋堂賦詩集□卷。金陵詩徵云當時有秋堂賦詩集若干卷。

袁華字子英明洪武初蘇州府訓導崑山人

顧阿瑛玉山名勝集、草堂雅集、玉山餞別詩、寄贈詩、玉山記游。

袁華玉山記游一卷。

耕學齋詩集十二卷。見續通考。

可傳集一卷。見續通考。

袁凱字景文明洪武中由舉人薦除監察御史華亭人

海叟詩集四卷。見明志及續通考。

集外詩一卷。見續通考。

補遼金元志云華編。

補元志著錄

袁均哲字庶明，明正統中官柳州知州。

太古遺音二卷。見明志。

羣書纂類十二卷。見明志。

袁珙字庭玉，又字柳莊，明太常寺丞，士元子。

柳莊集一卷。見明志。

柳莊行實二卷。見明志。

符臺集一卷。見明志。

袁忠徹字子精，相法，仕至尙寶少卿。

鳳池吟稿□卷。見明史袁珙傳。

人象大成二卷。見述古堂書目。

古今識鑑八卷。見明志。

符臺外集五卷。見明志。

袁達字德修，明正德舉人，貴溪縣知縣，湖廣都司經歷，閩人。

禽蟲述一卷。見續通考。國史志作袁達德撰，四庫書目云刊本誤衍德也。

袁淮字伯昭，明正德中進士，任邗人。

袁氏藝文金石錄附錄

川汾別集□卷。見畿輔通志略。

淮泗小稿□卷。見畿輔通志略。

西征集□卷。見畿輔通志略。

袁默明

書解□卷。見國史志。

袁九齡明

壺矢銘□卷。見續說郛。

袁福徵明

拇陣譜□卷。見續說郛。

袁天麟明

慎庵集一卷。見國史志。

袁駿字謝湖。明國子生。英縣人。袁兄。

奉天刑賞錄一卷。見明志。

前後四十家小說八十卷。見明志。

廣四十家小說四十卷。見明志。

金聲玉振集五十二卷。見彙刻書目。

袁 裴字永之。又字晉璧。明嘉靖乙酉解元。丙戌傳臆。刑部主事。廣西按察使。提學僉事。吳縣人。

永之集廿卷。見明志。

皇明獻實廿卷。見明史藝文志。

世緯二卷。見知不足齋叢書。

吳中先賢傳十卷。見明志。

袁尊尼字魯望。明嘉靖進士。刑部主事。山東提學僉事。襄子。

魯望集十二卷。見明志。

袁 焯字懋中。明嘉靖會元。殿試第三。官至尙書大學士。謚文榮。慈谿人。

詩集八卷。見明志。

文榮詩略二卷。見續通考。

袁 儼明

尙書百家彙解六卷。見明志。

袁 顯明
續羣書備考口卷。見禁書總目。

春秋傳三十卷。見明志。

袁仁 明字良貴蘇州人

毛詩或問二卷。見明志。

鍼胡篇一卷。見明志。

春秋胡傳考誤一卷。見續通考。

尚書砭蔡編一卷。見續通考。

尚書蔡注考誤四十頁。見學海類編。

袁祥 明

春秋或問八卷。見明志。

建文私記一卷。見明志。

六壬大全三十三卷。見明志。

新舊唐書折衷廿四卷。見明志。

袁彬 字文質明都督僉事在軍都督府江西新昌人

北征事蹟一卷。見明志。

袁又新 明

鳳陽新書八卷。見明志。

袁 表 明字景從福州人

黎平府志九卷。見明志。

閩中十子詩三十卷。與馬雙同編。見續通考。

脈經十卷。表刊本。見孫氏書目。

袁 衷 襄 裳 衰 表 明嘉善人坡子

庭幃雜錄二卷。續通考云五人同撰。

袁 穉 字玉田明泰安州知州懷遠人

泰山菟玉二卷。見續通考。

袁士瑜 明字七澤公安人宗道宏道中道之父

海蠡編二卷。見續通考。

袁宗道 字伯修明萬歷會元道贈禮部右侍郎

白蘇參類稿廿四卷。見明志。

尙書纂注四卷。見明志。

袁宏道 字中郎明萬歷中進士吏部郎中

詩文集五十卷。見明志。

宗鏡攝錄十二卷。見明志。

袁石公集。見彙刻書目。

瓶史一卷。

廣莊一卷。

狂言一卷。

錦帆集四卷。

解脫集四卷。

嵩華游草一卷。

瓶花彙集十卷。

瀟碧堂集廿卷。

中郎集四十卷。見續通考。

瓶花彙雜錄一卷。見續通考。

觴政一卷。見續通考。

關游歷口卷。見稽古堂日鈔。

西湖記述一卷。見武陵掌故叢編。

促織志□卷。見續說郛。

明文雋八卷。續通志略云宏道編。

陟江詩選七卷。續通志略云宏道刪定。

袁中道字小修明萬歷進士吏部郎中

珂雪齋文集廿四卷。見明志。

禪宗正統一卷。見明志。

禪門本草補□卷。見續說郛。

袁子讓字存眉明萬歷進士眉州知州柳州人

字學元元十卷。見續通考。

香海棠詩歌。見禁書總目。

袁應泰字大來明萬歷中進士經略遠東贈兵部尚書鳳翔人

九經一卷。見述古堂書目。

梅陣篇一卷。見述古堂書目。

袁黃字了凡明萬歷中進士兵部主事嘉善人

袁氏藝文金石錄附錄

兩行軒集□卷。見禁書總目。

詩外別傳一卷。見國史志。

皇都水利一卷。見明志。

歷法新書五卷。見明志。

祈嗣真詮□卷。見續通考。

攝生三要□卷。見學海類編。

羣書備考廿卷。見明志。又見禁書總目。

寶坻勸農書二卷。見明志。

了凡綱鑑補□卷。見禁書總目。

評註八代文宗八卷。見續通考。

表式表括表瀉言□卷。見禁書總目。

通記統宗□卷。與卜大見達碍書目。

袁繼成字季通。明天啓五年進士。兵部侍郎。兼右僉都御史。總督江西。湖廣。應天。安慶。軍務。殉節。宜春人。

六柳堂集三卷。見明志。又見禁書總目。

末優軒詩草□卷。見禁書總目。

袁應兆字瑜石明崇禎間舉人休甯縣教諭江甯人

大樂嘉成一卷。見續通考

萬古法程一卷。見續通考

袁宮桂明

泚游百金方十四卷。書目會問小誤。是書王芭孫敍之。本書自隱其名。署曰惠麓酒民。乃無錫人也。

袁祈年明

南游草口卷。見禁書總目。

袁時億明

訓蒙要語一冊。見袁竹堂書目。

袁尙志明

古樂府一冊。見袁竹堂書目。

袁九淑明閩秀

伽音集一卷。見明志。

袁字谷虛明禮部儀制司員外郎吳縣人袁兄

貢部集□卷

袁定遠國朝

歷代銓選志一卷。見皇朝文獻通考。

袁學謨國朝

居易堂浙中二集□卷。見禁書總目。

袁廷構國朝長洲監生

紅蕙山房詩集□卷。見知不足齋叢書。

汲古閣說文訂一卷。廷構刊本見書目會問。

袁佑字杜少國朝康熙十一年拔貢生內閣中書翰林院編修春坊中允東明人

雪軒集二卷。見畿輔通志。

袁仁林國朝字德平三原人

虛字說一卷。見惜陰軒叢書。

古文周易參同契注八卷。見惜陰軒叢書。

袁守定國朝循吏江西南豐城縣人

集十□卷

圖民錄四卷 見孫氏書目

袁省予國朝

漢印分韻二卷 見孫氏書目

袁景國景國朝

松陵詩鈔廿卷

袁國梓字若遺又字丹叔國朝順治己丑進士官嘉興知府華亭人

嘉興府志國朝卷 江蘇詩事太守工制藝與蘭雪鶴靜並列四家膾炙士林所輯嘉興府志甚詳核

袁徵國朝字公白吳縣人

蓮莊遺稿國朝卷 見江蘇詩徵

袁甯邦字適參國朝吳江諸生

適參詩鈔國朝卷 江蘇詩徵云甯邦著有適參詩鈔若干卷

袁逢恩字淑岐國朝六合人

憩綠軒集國朝卷 金陵詩徵云逢恩著有憩綠軒集

袁瑛字古香國朝上元縣廩監生以賢良徵不應年九十餘

聽雪空集國朝卷 金陵詩徵云瑛著有聽雪空集若干卷

袁懋年字士祺一字仙客國朝吳縣人

竹窗吟稿口卷江蘇詩徵云懋年有竹窗吟稿

袁爾萃字瞻蓍懋年子

蓼庵集口卷江蘇詩徵云爾萃有蓼庵集若干卷

袁棟木姓陶字漫恬一字玉棟田國朝吳江縣監生

書隱叢說十九卷見四庫書目

禮記類謀三十九卷見羣雅集

漫恬詩集口卷江蘇詩徵云棟著有漫恬詩集若干卷

袁景輅字樸村國朝震澤諸生

小桐廬詩集口卷江蘇詩徵云景輅著有小桐廬詩集

袁乾字玉符國朝乾隆舉人內閣中書丹徒人

笠山詩鈔口卷江蘇詩徵云乾著有笠山詩鈔若干卷

袁慰祖國朝字律躬長州人

竹室集口卷江蘇詩徵云慰祖著竹室集

袁正璫國朝字瑤圃靜海諸生

蕉窗存稿□卷。見畿輔通志。

袁文渙國朝乾隆時知隆平縣

隆平縣志□卷。畿輔通志云文渙修。

袁正己字作楷又字濟川國朝乾隆庚子舉人

周易思辨存參□卷。見畿輔通志。

袁枚字子才國朝乾隆舉博學鴻詞庶吉士改江甯令致仕年八十二錢塘人

續詩品□卷。見昭代叢書合刻。

小倉山房全集。見彙刻書目。

詩集三十七卷。

續集二卷。

文集三十五卷。

外集八卷。

新齊諧廿四卷。

續新齊諧十卷。

續同人集十二卷。

續同人集分類十二卷。

續同人集文類四卷。

小倉山房尺牘八卷。

隨園隨筆廿八卷。

隨園詩話十五卷。

補遺十卷。

袁太史稿一卷。

牘外餘言一卷。

八十壽言六卷。

紅豆村人詩稿十四卷。樹

捧月樓詞二卷。通

袁家三妹合稿四卷。棠機杼

隨園女弟子詩選六卷。

何士顥南園詩選二卷。

陸應宿筱雲詩集二卷。

陸建湄君詩集二卷。

胡德林碧腴益詩存八卷。

選納蘭成德飲水詞鈔二卷。

袁樹國朝端州知府字香亭枚從弟。

端溪硯譜記口卷。見昭代叢書合刻。

紅豆村人詩稿十四卷。見小倉山房集。

袁通國朝河內縣知縣字蘭村枚嗣子。

捧月樓詞二卷。見小倉山房集。

袁棠國朝閩秀字雲扶一字秋輝枚從妹儀徵汪翼翊室。

盈書閣遺稿一卷。見小倉山房集。

繡餘吟稿一卷。見小倉山房集。

袁機國朝閩秀字素文枚女弟如舉高某室高放蕩無行負博者錢將鬻妻以償遂依兄孩居。

素文女子遺稿一卷。見小倉山房集。

袁杼國朝閩秀字靜宜一字綺文枚女弟松江韓思永室早寡。

樓居小草一卷。見小倉山房集。

袁

妯國朝閩秀字小芬枚孫女知縣史璜室

靈簫閣詩選□卷。江蘇詩徵云。妯有靈簫閣詩選若干卷。

袁

青國朝閩秀字黛華。元車持謙室。

燕歸來軒詩草□卷。江蘇詩徵云。青有燕歸來軒詩草。

袁

淑國朝閩秀字疏筠。

翦湘亭詩□卷。江蘇詩徵云。淑所著有此。

袁紫卿

黛華之妹。

詩□卷。見隨園瑣記。

袁氏文錄

袁安字邵公漢司空汝南汝陽人

文九篇見嚴可均輯後漢文

袁閔字夏甫安元孫苦身修節不應徵召

文一篇見後漢文

袁紹字本初漢大將軍封鄴侯安元孫

文七篇見後漢文

袁術字公路漢中郎將安元孫逢子

文四篇見後漢文

袁敘紹從弟

文一篇見後漢文

袁渙世系見前

文三篇見後漢文

袁徽渙從弟以儒素稱遭天下亂避難交州司徒辟不至

文一篇。見後漢文。

袁漢中著

文一篇。見後漢文。

劾梁冀書。見後書梁冀傳。

爰延字季平。漢侍中。魏郡太守。陳留外黃人。

文若干篇。見後漢文。

袁安曾孫女。楊彪妻。氏

文一篇。見後漢文。

袁世系詳前。準

文若干篇。見嚴可均輯全晉文。

袁瓌字山甫。晉光祿大夫。謚曰恭。汝南人。瓌

文二篇。見全晉文。

奏疏一篇。見本傳。

袁世系詳前。喬

文三篇。見全晉文。

與褚裒書。見本傳。

袁豹世系詳前

文三篇。見全晉文。

建大田議。見本傳。

高祖伐蜀檄文。見本傳。

袁宏世系詳前

文十七篇。見全晉文。

祭牙文。見古文苑續集。

羅山疏。見太平御覽引書目及嚴輯全晉文。

去伐論。見玉函山房輯佚書又見全晉文。

山濤別傳。見太平御覽引書目。

袁宏妻李氏晉

文一篇。見全晉文。

袁崧世系詳前

文七篇。見全晉文。

袁矯之晉太學博士

文一篇。見全晉文。

爰幹晉

文若干篇。見全晉文。

袁淑世系見前

文十五篇。見全宋文。

防禦索虜議。見本傳。

與王濬書。見本傳。

袁凱世系見前

文一篇。見全宋文。

袁粲世系見前

文四篇。見全宋文。

妙德先生傳。見本傳。

袁璠宋尚書左丞

文一篇。見全宋文。

袁伯文世系見前

文若干篇。見全宋文。

袁昂世系見前

文六篇。見全梁文。

會高祖書。

謝高祖啓。

致問期服人書。

臨終遺疏。以上見本傳。

袁樞世系見前

文一篇。見全陳文。

袁泌字文祥。陳雲旗將軍。司徒左長史。贈金紫光祿大夫。諡曰質。

文一篇。見全陳文。

袁纘字景翔。後魏儀同三司。陳郡項人。宣子。

文七篇。見全後魏文。

議二篇。

表四篇。

文筆百餘篇。以上見本傳。

袁聿修字叔德。隋博陵太守。融子。繼躍後。

文一篇。見全隋文。

袁充字德符。隋秘書少監。昂孫。君正子。

文四篇。見全隋文。

表若干首。見本傳。

袁憲見世系前。

諫表十條。見本傳。

袁滋見世系前。

悲甘陵賦後序。見本傳。

袁高字公頤。唐給事中。恕已孫。

有奏疏若干篇。見本傳。

袁皓見世系前。

書師曠廟文。見唐文粹。

齊處士言。見唐文粹。

吳相客說。見唐文粹。

袁利貞字敬孫。唐祠部員外郎。

文若干篇。

袁楚客唐

文若干篇。

袁思古唐

文若干篇。

袁從之唐

文若干篇。

袁守一唐

文若干篇。

袁懷光唐

文若干篇。

袁自求唐

文若干篇。

袁暉唐

文若干篇。

袁映唐

文若干篇。

袁參唐

文若干篇。

以上見全唐文。

袁樞世系見前

有奏疏若干篇。見本傳。

袁燮世系見前

論修戰守劄子。

題魏丞相書後。

權大安將軍楊震仲諡節毅議。

江陰尉司新建營記。

唐十六衛記。以上見南宋文範。

袁甫世系見前

有奏疏若干篇。見本傳。

江東上封事。

奏備邊四事劄子。

鄞縣學乾淳四先生祠記。

辭免直徽猷閣宮觀表。以上見南宋文範。

袁說友世系見前

論養士大夫氣節疏。

論苗賊常平疏。

講易疏。

論君道狀。

成都文類敘。

論蜀將當慮其變疏。

跋張季長所藏司馬溫公通鑑漢元年稿。

跋點堂先生帖。

祭尤尙書文。以上見南宋文範。

袁世系
袁見前

題書學纂要後。見元文類。

袁世系
袁見前

拜住爲右丞相詔。

進實錄表。

賀千秋牋。

丞相拜住贈住制。

廷試策問。

會試策問。

史母程氏傳。

跋歐書皇甫誕碑後。

邵庵記。以上見元文類。

袁世系
袁見前

代帝草上太后書。見本傳。

袁 敏 明金齒衛知事

上景帝書。見袁彬傳。

袁洪愈 字仰之。明嘉靖解元。贈太子太保。諡安節。

有奏疏。見本傳。

袁化中 字民諧。明萬曆進士。贈太僕卿。追諡忠愍。武定人。

有奏疏。見本傳。

袁崇煥 字素元。明萬曆進士。官至太子太保。東莞人。

有奏疏。見本傳。

袁 愷 明給事中

有奏疏。見本傳。

袁宏道 世系見前

文漪堂記。見明文在。

徐文長傳。見古文。

醉夢傳。見續說郛。

拙效傳。同上。

一瓢道士傳。同上。

袁繼成世系見前

有奏疏若干篇。見本傳。

袁立相國朝

有奏摺若干篇。見雍正朝硃批諭旨。

袁繼蔭國朝

有奏摺。見雍正朝硃批諭旨。

袁一相國朝順治中官四川道宛平人

救恤疫四條。

論魚鱗圖冊。

民田無庸給由帖檄。

設立里催議。以上見皇朝經世文編。

袁枚世系見前

書院議一篇。

書崔實政論後。

書王荆公文集後。

書牘若干首。以上見皇朝經世文編。

袁銑國朝道光中
御史黃州人

有奏議。

袁氏詩錄詞賦錄
銘附錄

袁文術漢臨淮人

有箴銘若干篇。注見前。

袁宏世系詳前

詠史詩。

東征賦。

北征賦。

三國名臣頌贊。

頌九章。以上均見晉書本傳。

袁崧世系詳前

行路難曲詞。見本傳。

袁淑世系詳前

詩六首。見百三名家陽源集。

賦二首。同上。

袁

顓字景章。宋吏部尚書。陽夏人。洵子。

宋書本傳。顓在軍中。不披甲冑。唯賦詩談義而已。

袁

粲世系詳前。

詩二句。見任昉所作王儉集跋。

袁

峻字孝高。梁員外散騎侍郎。直文德學士省。渙八世孫。

仿楊雄官箴。見本傳。

新闕銘。見本傳。

袁

繇世系詳前。

思歸賦。見本傳。

袁

朗世系詳前。

詩四首。見全唐詩。

千字詩。

月賦。

芝草頌。

嘉蓮頌。以上見本傳。

袁恕己唐中宗時宰相

詩一首 見全唐詩

袁暉唐邢州司參軍

詩八首 見全唐詩

袁修唐御史中丞

詩二首 見全唐詩

袁邕唐

詩一首 見全唐詩

袁瓘唐贛縣尉

詩一首 見全唐詩

袁高世系詳前

詩一首 見全唐詩

袁不約世系詳前

詩四首 見全唐詩

袁郊世系詳前

詩四首。見全唐詩。

袁 皓世系詳前

詩四首。見全唐詩。

袁 求賢唐

詩一首。見全唐詩。

袁 長官女唐

詩二首。見全唐詩。

袁 陟世系詳前

詩二首。見宋文鑑。

袁 甫世系詳前

詩一首。見南宋文範。

袁 說友世系詳前

詩二首。見南宋文範。

袁 哀世系詳前

求志賦。見元文類。

遠游聯句。見元文類。

袁 桷世系見前

詩三首。

辭三首。

蘇氏藏書室銘。以上見元文類。

袁 易世系見前

詩一首。見元詩選。

袁 矩字子方。元延祐間著作郎。建康人。

詩一首。見金陵詩徵。

袁當時世系見前

詩一首。見金陵詩徵。

袁 正元人。戶部主事。深水人。

詩三首。見金陵詩徵。

袁 凱世系見前

白燕詩一首。見本傳。

詩十一首。見明文在。

詩□首。見錢蒙窻列朝詩集。及朱竹垞明詩綜。

袁煒世系見前

青詞。見本傳。

貓詞。見本傳。

獻瑞詞。見本傳。

詩若干首。見錢蒙窻列朝詩集。及朱竹垞明詩綜。

袁華世系見前

詩四首。見明文在。

詩若干首。

袁敬所明

詩若干首。

袁珙世系見前

詩若干首。

袁忠徹世系見前

詩若干首。

袁仁詳前

詩若干首。

袁淮詳前

詩若干首。

袁達詳前

詩若干首。

袁裘詳前

詩若干首。

袁尊尼詳前

詩若干首。

袁應徽明

詩若干首。

袁景休明

詩若干首。

袁年字德門明中大夫陝西按察使吳縣人

詩若干首

袁宏道見前

詩若干首

袁中道見前

黃山雪二賦五千餘言見明史袁宏道傳

詩若干首

袁時選明

詩若干首

袁懋謙明

詩若干首

袁繼成詳前

詩若干首

袁徵明

詩若干首

以上見錢蒙安列朝詩集及朱竹垞明詩綜

袁介明

檢田行 見明文在

袁應兆 世系見前

詩一首 見金陵詩徵

袁于令 字籀庵明荆州知府休甯籍

詩二首 見金陵詩徵

袁逢盛 字磊庵國朝常州府教授六合人

詩一首

袁國梓 世系見前

詩一首

袁逢恩 世系見前

詩一首

袁逢詔 字助庵國朝康熙貢生來安訓導

詩一首

袁 瑛世系見前

詩四首

袁宏道國朝字宏鼎蘇州籍

詩二首

袁 徵世系見前

詩一首

袁 綫字度昭國朝康熙子房山縣蓬盛子

詩一首

袁 綬字受旆國朝六合人

詩一首

袁 綰國朝六合人字漢推

詩五詩

袁昇昉字霞客瑛子

詩一首

袁甯邦世系見前

詩一首

袁懋年見世系前

詩二首

袁天麟字振公國朝華亭貢生

詩一首

袁爾萃見世系前

詩一首

袁棟見世系前

詩一首

袁餘字介人一字雪皐國朝松江人

詩二首

袁景輅見世系前

詩一首

袁枚見世系前

詩四十二首

袁志讓字道安棟孫

詩一首

袁照字昇初國朝吳縣諸生

詩二首

袁乾見前

詩一首

袁亨字雲峯國朝候補同知丹徒人

詩一首

袁楹祖見前

詩十二首

袁永福字成之國朝東臺諸生

詩九首

袁燮和字書臺國朝丹徒諸生

詩一首

袁廷檣見前

詩一首。

袁樹見世系前

詩十七首。

袁斫字翠國枚從子

詩三首。

袁遲字真來國朝南河縣丞枚子

詩一首。

袁通見世系前

詩五首。

袁機見世系前

詩七首。

袁棠見世系前

詩六首。

袁杰國朝閩秀

詩一首。

袁

杼見世系前

詩四首

袁

嘉國朝守志秀字柔吉妹孫女亦能詩

詩一首

袁

艸見世系前

詩二首

袁

青見世系前

詩一首

袁

淑見世系前

詩一首

以上見江蘇詩徵及金陵詩徵

袁氏金石錄

漢

國三老袁良碑

見洪氏隸釋。集古錄及趙氏金石錄皆有。水經注扶溝城北有袁梁碑。陳郡扶樂人。卽良也。以順帝永建六年卒。年九十餘。孫衛尉滂立此石。

三老袁貢碑

永建六年

通志金石略云。在東京。

袁安碑

隸釋云。在子城南門外百步。

蜀郡太守袁騰碑

水經注云。貢之中子也。在太康縣。

司徒袁滂碑

見水經注。

西嶽華山廟碑

袁氏藝文金石錄附錄

隸釋云。在華州華陰縣。延熹四年袁逢勒石。

博平令袁光碑

見水經注。

司徒袁公夫人馬氏靈表光和七年

見漢石例。

袁滿來碑

見漢石例。引蔡中郎集。

耿球碑

畿輔通志略云。袁術立。在趙州。寶刻叢編誤袁術立爲袁紹立。類編再誤紹爲紀。遂以耿球碑爲袁紀撰。

袁彥和

見漢魯峻碑陰。

魏

御史大夫袁渙碑

隸釋云。在太康縣。

後魏

袁永等五十人造象記正光三年

見平津館讀碑記在陝西高陵。寰宇訪碑錄及金石萃編並闕名。

袁纘撰涇州刺史淮陽男陸希聲墓志銘

見金石例補。

西魏

袁僚袁豐洛袁迴洛等廿七人造象記大統十年

見金石續編。

東魏

袁景袁元昌袁光暈雙虎妻王雙虎等造象記武定三年

見金石續編。

李□袁□等造象正書無年月

見訪碑錄在河南洛陽。

北齊

袁略宋顯伯等造象龕記天保三年

袁氏藝文金石錄附錄

見金石續編。

爰公玉造觀音象記

畿輔通志金石略云。在磁州滏山響堂石窟。

隋

袁子才造象記正書。開皇八年。

補寰宇訪碑錄云。在直隸磁州。

大都督袁君碑大業十二年。

見通志金石略。

唐

袁通碑麟德元年。

見太平御覽。通子義撰。并書。通字元濟。河南宜陽人。

袁敬金剛經碑垂拱元年。

畿輔通志略云。在房山石經洞外。

袁敬造象正書。無年月。

畿輔通志略云。在雷音窟石室門東。

袁氏墓碣正書，聖歷三年正月。

見補寰宇訪碑錄。在陝西長安。按金石續編作夫人袁氏權殯誌。

袁滋篆書唐廟額銘大歷三年。

見訪碑錄。在湖南祈陽。

岐國公家廟碑袁滋篆額

張宏靖書。陝西安山街西廟中。見趙均寒山堂金石林。

西顧山刺史袁高題名正書，興元甲子立。

見補訪碑錄。在浙江長興。

袁高茶山詩

見墨妙亭碑目。又見唐文粹。

軒轅黃帝鑄鼎原銘貞元七年。

訪碑錄云。在河南閿鄉。袁滋篆書。中州金石記作籀書。潛研堂金石文目著錄篆書正書兩通。

袁滋篆書劍州長史李廣業碑貞元十年。

見棗竹堂碑目。

袁滋撰并篆畫壁功德記元和四年。

訪碑錄云浙江錢塘何氏拓本。

袁允撰報國寺泛舟禪師塔銘長慶二年。

訪碑錄云在山西安邑。

袁□妻王氏墓志正書。大。中十四年。

補寰宇訪碑錄云在陝西咸寧。

袁氏先廟碑

見金石例韓文公撰。

宋

袁正己正書開元寺行廊功德碑建隆四年。

訪碑錄云在陝西咸甯。

袁正己正書千字文乾德三年。

訪碑錄云在陝西長安。按潛研堂金石目作碑文。正書。自題隸書。石墨鐫華作隸書。在西安府學。

袁允忠正書馬去非等十一人贈詩乾德五年丁卯。

潛研堂金石目云在西安府學。釋夢英十八體書旁。小字八分書碑之上方。

袁正己書僧夢英詩十二首

續通志略云。附刊在夢英十八體書碑。

袁正己正書摩利支天等經陰符經乾德六年

訪碑錄云。在陝西長安。

袁正己正書嵩山會善寺修佛殿碑開寶五年

訪碑錄云。在河南登封。

袁陟題記至和三年

見古刻叢鈔。

袁機撰醉經庵記元祐元年

見棊竹堂碑目。

袁復一英德碧落洞題名紹興乙丑

毗陵袁復一解官船舶司。檣舟來游。紹興乙丑四月七日。男嘉猷、嘉瑞、嘉積、姪嘉德、孫珪侍。

袁煥正書龍臺巖韓京題名紹興九年

訪碑錄云。在廣東龍州。

袁口撰并行書校官碑陰乾道二年

訪碑錄云。在江蘇崑山。

袁勃撰楊從儀墓志正書五年乾

訪碑錄云在陝西城固

袁倚象耳山詩行書淳熙十六年

補寰宇訪碑錄云在四川彭山

袁燮撰簽書樞密院事王節愍公廟碑

見南宋文範

袁說友等府學同年酬唱詩正書紹熙元年

訪碑錄云在江蘇吳縣

袁說友等題名八分書紹熙二年

訪碑錄云在安徽盱眙

龍華寺袁說友等題名八分書慶元六年

訪碑錄云在浙江仁和

龍華寺袁說友題名正書嘉泰二年

訪碑錄云在浙江仁和

袁簡正書常熟學宮記端平三年

訪碑錄云。在江蘇常熟。

袁大監光福寺提舉寶謨題跋正書。開慶元年。

訪碑錄云。在江蘇吳縣。

元

袁志遠撰代祀濟瀆投龍簡記正書。元十二年。

訪碑錄云。在河南濟源。

袁桷撰建城夫子廟堂記至元年。

畿輔通志略云。在交河。

袁桷撰昌平屯田總管劉伯傑墓志銘無年。

畿輔通志略云。在大興。至元年立。

袁桷撰張府君墓田記無年。

畿輔通志略云。在大興。至元年立。

袁致遠撰岱岳行宮記正書。二十四年。

訪碑錄云。在河南孟縣。

袁桷撰贈磁州知州程翔墓志銘元貞年。

幾輔通志略云。在廣平。

袁桷撰武義將軍梁楨神道碑。大德元年。

幾輔通志略云。在大名府。

袁伯謙正書延津館驛記。大德七年。

訪碑錄云。浙江鄞縣范氏天一閣拓本。

袁緯撰追立唐孔穎達墓碑。大德七年。

在衡州。

縣尹袁緯惠政碑。大德八年。

在衡州。

袁桷撰三皇廟碑。皇慶年。

在交河。

袁桷撰先聖廟碑。皇慶年。

在交河。

袁桷代高昉撰高昂妻□氏葬記。延祐元年。

在大名府。以上見幾輔通志金石略。

袁桷撰慶元路廟學記正書三年，延祐

訪碑錄云在浙江鄞縣。

袁桷撰七觀延祐四年

見棊竹堂碑目。又見元文類。

袁桷撰資國院使玉呂伯里伯行神道碑延祐四年

在元城。

袁桷撰贈相鄉縣君盧母王夫人墓志延祐五年

在武強。

袁桷撰興福須陀院碑無年

在都城保大坊，延祐開立。

袁桷撰崇真觀鐘銘無年

在崇真萬壽宮，延祐時立。

袁桷撰重修封龍書院記至治元年

在元氏。

袁桷撰鹽使郝從之妻劉氏墓志至治二年

在霸州與在永清不可考。

袁桷撰華嚴寺碑至治三年。

在口北三廳元文類作上都華嚴寺碑。

袁桷撰天慶寺碑泰定元年。

在寺。

袁桷撰安敬仲墓表泰定元年。

在藁城元文類作安先生墓表。

袁桷撰清鹽使郝從墓志無年。

在霸州與在永清不可考。

袁桷撰同僉太常禮儀院事白恪神道碑無年。

在真定。

袁桷撰翰林院承旨王公墓志銘

見元文類。

袁特立慶和寺剏建大殿記至正元年。

在南宮。以上見畿輔通志略。

南宮縣志作袁特立撰。修興福寺碑。畿輔通志略云。此刻碑目與待訪碑目兩收之。一作袁時立撰。

一作袁特立撰。皆誤為二石。

長社縣尹袁公去思碑。正書。正八年。至。

訪碑錄云。浙江錢塘何氏拓本。

袁君夫人史氏墓志

金石廣例云。元明善撰。

明

袁凱石刻逸詩

吳門袁氏寄姑廬藏。

袁愷撰玉田寺修佛殿記。宏治元年。

續通志略云。在石首。

袁襲裳撰宜春臺銅鼎記。嘉靖二十三年。

續通志略云。在袁州。

袁宏德撰修城樓記。萬曆二十四年。

續通志略云。在曲陽。

袁氏藝文金石錄附錄

袁氏藝文金石錄附錄

國朝

石門縣知縣袁獻書去思碑。正書。成豐六年。
在湖南石門。

附錄

袁氏世記。見袁渙傳注。

汝南先賢傳。引見後書袁安傳注。

袁氏傳。唐顧貞撰。見古今說海。

袁督師事蹟一卷。國朝無名氏撰。記經略袁公崇煥事。東莞人。見嶺南叢書。

袁廷玉傳。見國朝徵信叢錄。

祭梁吳郡袁府君文。見全陳文。

袁抗。字米之。宋進士。南昌人。藏書萬卷。江西士大夫家鮮及也。見宋史本傳。

明袁氏刊宋劉義慶世說新語三卷。見書目會問。

國朝袁樾。校刊周禮讀本十二卷。見書目會問。

國朝袁士龍。字惠子。仁和人。著有西算書。見書目會問。

梁袁峻。家貧好學。手鈔史記漢書各爲二十卷。見本傳。

祭袁學士文。見元文類。



三十年四月五日
該書店

編主五雙王

編初成集書叢

種二他其及賦塵一宋百

中華民國二十八年十二月初版

徐宓壽

G一四一五上

發行人

王

長沙南正路

雲

五

印刷所

商

務

印

書

館

發行所

商

各

務

印

埠

書

館

(本書校對者 陳嘯仙 潘同曾 張嘯天)

☆

